


بختیار و ہابزادہ

اورہ ک دہ دیر سیوزون کوکو



بختيار وھاب زاده

اوره ك ده دير سؤزون كؤكو

كؤچورن:

شهرام گلكار

vahabzada, Bakhtiar

وهابزاده، بختیار، ۱۹۲۵ -

اوره ک ده دیرسوزون کوکو / نویسنده بختیار وهابزاده؛ برگردان شهرام گلکار
تهران: اندیشه نو، ۱۳۷۹.
۱۷۹ ص.

IBSN: 964-6741-27-4

فهرست نویسی بر اساس اطلاعات فیبا.

۱. شعر ترکی -- جمهوری آذربایجان -- قرن ۲۰. ۲. شعر ترکی -- ایران --
قرن ۱۴. الف. گلکار، شهرام، ۱۳۴۷ - ، مترجم. ب. عنوان.
الف ۳۱۴/۸ PL ۸۹۴/۳۶۱۱
الف ۸۲۵ و ۱۳۷۸
۱۳۷۸

۴۳۸-۲۰-۷۸م

کتابخانه ملی ایران

نام کتاب: اوره ک ده دیر سوزون کوکو

نویسنده: بختیار وهابزاده

برگردان: شهرام گلکار

ناشر: اندیشه نو

حروفچینی: موسسه ایران ۱۴۰۰ - تلفن: ۶۴۸۰۶۷۷

تاریخ نشر: ۱۳۷۹

چاپ: دلارنگ

نوبت چاپ: اول

تیراژ: ۳۰۰۰ جلد

مرکز پخش: تهران، پاساژ فیروز، اندیشه نو، تلفن: ۶۴۲۷۳۷۱

شابک: شابک: ۹۶۴-۶۷۴۱-۲۷-۴ ۹۶۴-۶۷۴۱-۲۷-۴ ISBN: 964 - 6741 - 27 - 4

فهرست مطالب

صفحه	عنوان
۷	واخت.....
۸	خئیر - شر.....
۱۱	حق - زۇراکلیق.....
۱۳	منه سوال وئرىن.....
۱۴	درین لیک.....
۱۶	نهین سه ایلکیدیر نهین سه سۇنو.....
۱۷	ایکی مۇهاجیر.....
۱۹	قانماق - قانماماق.....
۲۱	یونیس امریه.....
۲۱	اۇلوم.....
۲۲	اۇزونو دینله.....
۲۴	من منم.....
۲۴	غئیرت می، آغیل می؟.....
۲۷	دئیل می.....
۲۸	هارا گئدیر؟.....
۲۹	چاشیب منیم کیمی.....
۳۰	گئن دۆشه.....
۳۱	آمان هئی.....
۳۲	اؤز - اۇزونو آشمادیر.....
۳۳	ائلچیم.....
۳۴	کۆهنه دردله من.....

صفحه	عنوان
۳۵	قاتارلاردا گئجه لر.....
۳۸	تابوت گئدير.....
۴۰	شاعير لر.....
۴۵	سوگوتو يازا بيلن.....
۴۶	قيزيما.....
۴۸	قاراباغ آتى.....
۵۶	آي گيدي دونيا!.....
۵۸	كيچيك پنجره.....
۶۰	دونيانين.....
۶۱	دونيا.....
۶۲	بهانه دير.....
۶۴	انسان - گويده آي كيميدير.....
۶۵	قارا قوطو.....
۶۸	ياخشى كي بيلميريك.....
۷۱	غثيرت.....
۷۳	يالان دونيا.....
۷۴	بير عومرون ترجمه - حالى.....
۷۴	تحقير.....
۷۶	اؤزومله صؤحبت.....
۷۸	شهيد مزارلارى.....
۸۱	طلبه لر يمه.....
۸۷	ايچه رى باخ.....

صفحه	عنوان
۸۸	قۇجالار.....
۹۰	گۈندەلىك.....
۹۴	منىم خالام.....
۹۸	پىادا - سىرنىشىن.....
۱۰۰	اۈزگە حرارتى.....
۱۰۱	خۇرمەت اوچون.....
۱۰۲	اييىرمى بىش ايل.....
۱۰۲	غۇمورى يۇلداشىما.....
۱۰۷	يارى يۇخولو.....
۱۰۹	بىلكە.....
۱۱۶	شۇر.....
۱۲۵	تئل لىر آغلاسىن.....
۱۲۶	چاھارگاھ.....
۱۳۳	قالالار.....
۱۳۶	ھەرە بىر جوۋرە.....
۱۴۴	سىنگاھ.....
۱۴۴	سىن مەنە كىمىسەدن پاى وئىرىلمە دىن،.....
۱۵۰	راست.....
۱۵۴	آمان اوۋچو.....
۱۵۶	ياغ، ياغىش.....
۱۶۱	ساياچىلار.....
۱۶۷	سۆزلۈك.....

واخت

اۋشاغليغيم

گنجليييم

آھيلليغيم - عينيמי؟!

يۈخ، ھريري باشقادير، بير - بيرينه يادکيمي
گلن قاوور گئدھنى.

اينکار ائدير من، منى...

عۇمرين ھر پيلله سينده باشقالاشير طبعيميز.

دونىادا مقصديميز، دونيادان طلبيميز

واخت منى پروانه تڪ باشينا دۇلانديرير

دوئن قانماديغيمي بوگون منه قانديرير.

کيم دۇشونه دۇيركى.

من واحيدم. من بيرم!

بيرجه بونو بيليرم: من گوڭلوييم. قاديرم.

من گوڭجسوزم، عاجيزم تڪجه واختين اينده.

عۇمرون اۋ ساحيلينه اليم يئته بيلمه يير.

عۇمرون بو ساحيلينده.

ھانى گوڭزومون ئورو.

ھانى قليبمين گورو:

کيمدير اۋتان، اۋتوزان زامان ايله آرزونون

ابدی ياريشيندا!

ساجيمين آغليغيندا. آلنمين قریشيندا

زامان نئجه آت چاپیر، یویه نی اۆز الینده.
اوغول سان سا، تاپ گۆره ك. کیمدیر آتین بئلینده!

من اۆز آزاد لیغیما تانری دئدیم، حق دئدیم
بیر خوكمه. بیر فرمانا من باشیمی ایمه دیم
آمما واختین دالینجا
عۆمروم بۆیو قول کیمی نئجه سورونموشم من
قولومداکی ساعاتین قولونا دۇنموشم من

۱۹۸۵

خثیر - شر

طبیعت انسانا ایکی ال وئریب،
کیمینسه الیندن توتوب قالدیراق.
بیزه عمل اوچون بیر آغیل وئریب،
چایلارین اوستوندن کۆرپولر قۇراق.
آنامیز، آتامیز بیزه دیل وئریب،
داردا چیرپینانین حالینی سۇراق.

دیللر یارانیب کی، ماهنی دییه ک بیز،
دیللر یارانمایب یالان دئمکچون.
یالاندا آیریلیر یۇللار بوسبوتون.
اۆالی، اۆ دیلی، اۆ آغلی بعضاً

خئيرلى ايشلره ايشلميريك بيز.
بوگونه دم توتان عمليميزدن
سوالا چئوريلير گله جه ييميز.
هردۇيان اوږه ك دن بير جاھان كئچير،
الوان بۇيالىدير دونيانين دۇنو.
كىمى خالق يولوندا جانيندان كئچير،
كىمى وظيفه يه ساتير خالقينى.
خالق وار، اوزو اۇدسوز، اوجاق سيز قالير،
اۇدون دان قۇنشويا پاى وئير اوزو.
خالق دا وار، اۇ اۇدو عوض سيز آلير،
قۇنشو تۇرپاغينا ديكيلير گوزو.

وجدانين قۇهسى - تاماخ داغينى،
آشا بيلن لره انسان دئديك بيز.
يالاندان، ريادان قازانديغينى،
وجدان سيز. گرچكدن قازانا بيلمز.

مين بير رنگ يئتيرير بير رنگلى تۇرپاق،
هم شفا، هم اولوم ياتير زهرده.
كول - كۇس دا بيتيرير، چيچك ده تۇرپاق،
آغلين مئويهسى دير خئيرده - شرده.

ياخشى دا، يامان دا بيز دە دیر دئین.
نە اۇنون، نە بونون اۆز اۆدو یۇخموش.
خئییر - شرقول - قۇلا! نە یوکسک لیگین.
نە دە آچاغلیغین حدودو یۇخموش.

بۆیوک بیر میللتین طالعی بعضاً.
توم کیمی چیرتدانیب توپورولورکن،
معطل قالیرسان شرین حۆکمونە.
باخیرسان آرخایا، باخیرسان اۇنە.
نەلر تۆرەیرمیش غرض دن، کین دن،
دئییرسن، انسانین حافظه سیندن
حقیقت سیلینیب اۇنودولارمیش.
خئییردە بوقدر محکوم اۇلارمیش؟
قوی ناغیل اۇخوسون سیاست چیلر،
اۇنلارین قلبینە ناغیل نور چیلر.
ناغیل دینلە ینین فیکری اۇجالیر،
خیالدان یول آچیر اۇ حقیقتە.
همیشه ناغیل دا غلبه چالیر.
حقیقت یالانا، ایشیق ظۆلمتە.

۱۹۸۶



آییرا بیلیمیش می گۆرەن بیرنفر
حقیقی دونیادان کۆلگە دونیانی؟

قاييدا بيلسىدى اگر گئىدىن لر
درک ائىدىن اولاردى بلکه دونيانى.

سن يولچو... دونياسا مجهول بير آدا
كئچە بيلير سن مى فيرتينالاردان،
دونيا نين سيري نى گزمە دونيادا
ايچينده آختاريب قلىبنە ساپلان!

عاجيز سن.

اولدون سا قولو دونيانين
ايچيندن باشلانير يولو دونيانين.

۱۹۸۶

حق - زۇراكلىق

ھىندوستانين دۇولت غرىبنە

«آنچاق حقيقت غلبە چالير»

سۇزلىرى يازيلمىشىدىر.

چنگيز آيتماتف

ماياسيندا حق دورور هر آنليان ظفرين.
زۇرلا، زۇراكليغيلا قازانيلان ظفرين
آدى ظفردير...

اۇزو

ظفر ساييلا بيلمز،

ابدی اۇلا بیلمز.

حاقلا زۇرا کلیغین ابدی دۇیوشونده

مغلوبیت - غلبه! بیر ابدی سیلسیله!

كئچه جك الدن - اله.

حق سیز غالب صاباحین مغلوبونا چئوریلر،

زنجیرلری: بوأونا، اۇدا بونا چئوریلر،

سن ای زۇرا کلیغیلا حقیقتی تاپدایان،

حقیقتین گوجوندن خبر سیزسن، بیر اویان!

اویونمه قازاندیغین «شانلی» ظفرینله سن.

اۆز ایچینده بوغدوغون حقیقتین سه سینی

اۆز ایچینده دینله سن!

بوغلبه ن بویدا دا قازانميسان، آی یازیق.

میللتین نیفرتینی

زۇرا کلیق یالانین عیجهر صیفتینی

گیزله دیب اۇرته بیلر.

اۇنو حقیقت کیمی گۆزلره دورته بیلر،

حقی اۇلدوره بیلمز.

یالان قاپی سیندیرار، بیر قلبه گیره بیلمز.

مایاسیندا حق دئیل، یالان دۇران بیر ظفر

یالانین اۇزو بویدا سنه نیفرت گتیره

نیفرت سوسار،

اؤ دینمز...
اؤنون اوږه ک لردکی بوی آرتیمی، زوغ لاری
گؤزلره ده گؤرونمز.
غئیرت اولار اؤ، قاندا.
اؤز مقامی چاتاندا
زؤرا زؤرون اؤزیله جاواب وئرەر بیر آندا.
بوزؤرا.

بونيفرته،
بوغئیرته مین احسن:
زؤرا کلیق دئمەرم زؤرو ییخان زؤرا من!

۱۹۸۵

منه سوال وئرین
حقیقیت همیشه دؤغدو سوالدان،
درینه آپاریر سوال هر کسی.
قریبه زامان دیر...
ائله بیل دیلدن
ھاراسا قوۋولوب سوال جمله سی.

نؤقته لر، ویرگول لر نه قدر دئسن،
ساختا ندالارلا دؤلوب کیتاب لار.
هرشئی بیلیریک سانکی دؤنندن،

آرتیق سوال لارا نه احتیاج وار؟

سوال سیز کۆر اۇلار گرچکین گۆزو،
ياشامیر،

دۇلانیر سوال سیز انسان.

منه سوال وئیرین،

سوالین اۆزو

گیرەر حقیقتین داش قاپیسیندان.

۱۹۸۶

درین لیک

دئدیم. عۆمروموزون یولو بیر قاریش.

یۆز اوجاق سۆندورور بعضاً بیر اۆلوم.

واللا، گۆزوموزو آچیب یۇممامیش

قاپینین آغزینی کسدیریر اۆلوم.

ياشاماق نه ایمیش؟

بیلمه دن بونو

نه ایله اۆلچورسن عۆمرون بۇیونو؟

ياشایان گۆرموشم یۆز، یۆز اللی ایل،

قووق تک بۇش اۆلوب قلب ده بئین ده.

عۆمرون معناسینی بۇیون دا دئییل.

گرک آرایاسان درین لیگینده.

آدام وار، ساغی سۆل، سۆلو ساغ بیلیر.

آن ياخشى. ان گۈزل ياشاماق بىلىر.
ھريئردە ھرزامان باش سايىلماغى،
خىردا دۇيغولارا يدك اولماغى.

ياشاين ھركس دن گرەك سۇرولسون:
لياقت حياتين يۇلو دئيىل مى؟
نە يىن بهاسينا اولۇرسا - اۇلسون
ياشان، ياشاركن اۇلودئيىل مى؟

بىز بوتون گونلرى سۇن آئىنادك،
چكىب شىرە سىنى ياشايا بىلسك.
مىن شوکور دئىه رىك قىسمتيمىزە
وئريلن عۇموردە بس ائدر بىزە.

ياشاين گۇرموشم يۇز، يوزاللى ايل،
قۇووق تەك بۇش قالىب قەلدە بئىن دە.
عۇمرون معناسىنى بۇيۇندا دئيىل،
گرەك آراياسان درىن ليگىندە.

نەیین سە ایلکیدیر نەیین سە سۇنو

دوניה هئی فیرلانیر بئله دن بئله
زامانی اؤنله ییب اؤتن اؤلما سین.
دوניה فیرلانیرکی، کئچمه سین اله
اؤنون اته یینی توتان اؤلما سین.
دوניה فیرلانیرکی دۇنسون بوگردیش
ادراکین اؤنوندە، آن ائیلە مە سین
دوניה فیرلانیرکی. انسان اؤلە میش
دونیا دان دونیا یا کئچە بیلە سین.

ساخلا ساق بیر آنلیق یۇلوندان اؤنو
حیات تزه لنمز، یئر تزه لنمز
نەیین سە ایلکیدیر، نەیین سە سۇنو
دوניה فیرلانما سا. سۇن ایلکە دۇنمز

دوניה فیرلانیرکی بیزدە اؤنون تک،
فیرلانیب قانمایاق مین بیر فعلینی
دوניה فیرلانیرکی. تاپا بیلە یک
اؤنون نە سۇنو، نە اوولینی .

۱۹۸۵

ايكى موھاجير

اۆز وطنينه منسوب اولمايان شخص

انسانليغادا منسوب دئييل دير

ب. گ. بلينسكى

درد واركى، بنزه مير هئىچ هانسى درده
گزد يييم، گورد ويوم ياد اولكه لرده
وطن چون بۇرنونون اوجو گوينه ين.
آداملار گورموشم نه قدر دئسن.

بو وطن نيسگينلى موھاجيرلرين
آجى طالعينه آجيميشام من،
بعضاً آشكار - آشكان، بعضاً گيزليجه...
وطنه اوچورلار اونلار هر گئجه
مين رنگلى قانادلى يوخولاريندا.
قريب ليك ائله بير درد كي چكيلمز.
باليق باليق ديركى، ياد سۇلاريندا
ياشايا بيلسه ده بۇيويه بيلمز.

اولو كئچميشمىز... هم قيلينج، هم قين.
بىزيم هم خئيريمىز، هم شريمىز دير.
تره قيرلري اجداد يميزين -
تورپاغا ايشله ين كوك لريمىز دير.

بو كۆكۈن اۆستۈندە دايانمايان كەس.

ياشايار،

بىر بۇيدا اۇجالا بىلمز.

آخان دىزىندە اۆزە بىلسە دە،

فرح دن بىرچىمدىك پاى آلا بىلمز.

بىردۇغما آنا يا مېن اۆگىتى آنا

تاى اۇلا بىلرمى؟ اۆگىتى - گۆزداغى؟

كىم دئىير عىنىدېر، عىنى انسانا

وطن تۇرپاغىيلا قوربت تۇرپاغى؟

مېن دفعە گۈجلۈدېر اۆز ايمكانىندان

وطن تۇرپاغىنىن اۆستۈندە انسان!

بىر وطن حسرتى - بىر اۇلۇنىسگىل!

وطن سىز ياشاماق - ياشاماق دئىيل.

آدام تانىيىرام، يۇخولارىندا.

اۆزەر بالىق كىمى ياد سۇلارىندا.

اۇچار نىو - يوركا، اۇچار لۇندونا،

معنوى مۇهاجىر دئىردىم اۇنا!

اۇ، ائلىن ايچىندە ائلىنە اۆزگە،

تارىخىنە اۆزگە، دىلىنە اۆزگە،

ھاواسىنا اۆزگە، سۇيونا اۆزگە

اجداد دان باش آلان سۇيونا اۆزگە،

اۆزگە يە دۇغما،

وطن دن ساوايى ھرشئىيە دۇغما!

قوربت اكمه يىنى بئير مۇھاجير
وطن ھاواسىيلا ياشايار آنجاق.
اۇلوركن... ديزينه دۇير مۇھاجير،
ايسته يى وطن دن بير آوج تۇرپاق.

معنوى مۇھاجر وطنه دئييل،
گوۋەنير هميشه آنجاق اۋزونه.
وطن اكمه يىنى تېر گۈزونه
اۋزگه ھاواسىيلا ياشايار مدام.
اۋدا بير آدام دير، بودا بير آدام.
اۋدا مۇھاجير دير، بودا مۇھاجير.
بيرى تۇرپاق ايستر، بيرى جواهير،
بيرى انسان ايسه... اۋ بيرى تاجير!

قانماق - قانماق

بوتون عۇمروم بۇيو آريلار كىمى
قزئت دن كىتاب دان من شيره چكديم
بيلمە يە چاليشديم بيلمە ديگىمى،
بونو بيلمە ديم كى، من بيلمە سيديم،
نە يى اۋدوزاجاق، ايتيره جيديم؟

قازانجيم نە اۋلدو؟
ايتير ديگيم نە؟
قازانجيم دەير مى ايتير ديگيمه؟

قانمازین قانیدیغی بیر شئی وار آنجاق:
اۆزونو هر یترده دۆز دۇغرو سایماق!
اۋاتله بیلیرکی، سهۋاتده بیلمز،
بیر موۋشگول اۋنونده آغلی یتیلمز.
اۋنون بیر ایشینده اۋلماز بیر خطا،
اۋندان آغیللیسی یۇخ بودونبادا.

قاندىن سا... شوېهه لر و تردودلر
عۇمرونون پىڭكىنه دۇنه جك سنین.
قاندىن سا... قلىبنده دىل آچان كدر
عزمنى، عشقنى یتنه جك سنین
قانانلار اۋدوزور باتیب درینده،
قانانلار اۋدوزور شوېهه لرینده
باغرینا چكىلن قانما داغیندان.
قانمازلار قازانیر قانما دیغیندان.
قاندىغجا... اۋزومله دۇردوم اۋز- اۋزه
اۋدا من،
بودامن.

كىمه حق وئرىم؟
معجزه ایچینده باشقا معجزه.
نه حاكیم بللی دیر، نه ده متهم.
كاش قانما یایدیم.
اۋزومله اۋز- اۋزه دایانما یایدیم.

یونیس امره یه

- بیر یئرده اۇلوب، بس نییه مین یئرده دۇغولدو.
- عشقینده یانیرکن یئنی دن بیرده دۇغولدو.
شعرینده کی حکمت لی سطیرلرده دۇغولدو.

- بیر یئرده اۇلوب، بس نییه مین یئرده مزاری؟
- هرگون قازیلیر چون کی کونول لرده مزاری.
اوتلاردا، چیچک لرده و گول لرده مزاری.

- افسانه می، گرچک می، بوانسان، نئجه انسان؟
- وارلیق سسیدیر، قۇپموش او، تورکون
قۇپوزوندان!

۱۹۸۵

اۇلوم

یارانیشدان بیلیریک، عۇمره نهایت دی اۇلوم،
زامانین حۇکمو بودور: هرکسه قسمت دی اۇلوم.

هله درک ائتمه میشیک، آما اۇلومدن اۇتایی،
بیزیم ادراکیمیزا گور نئجه سرحد دی اۇلوم.

نه ایمیش حکمتی دونیا میزی ترک ایله مه یین؟
اۇلولار سؤیله دی: تورپاق ایله وحدت دی اۇلوم.

نە اۇلارمیش گۆرەسن، ساخلايا بىلىسك زامانى؟
كىم بىلىر، بلكە دە انسانا بىر خۇرمەت دى اۇلوم.

اۆلەننن قېرىنە قان - ياش آخىدىب آغلاشیریق،
نە بىلك بلكە شرف، بلكە فضیلت دى اۇلوم.

بشر اۇلمزسە، بودونیا تزه لنمز، قۇجالار،
بوتون انسالىق اوچون بىر ابدیت دى اۇلوم.

۱۹۸۵

اۋزونو دینلە

دینلە بو دونیانى اۋز اۆرەیین لە،
صنعت عالمیندە اۋزونو دینلە.
اۋزگەنى دینلەسن كۆك دن دوشرسن،
سن اۋزون اۋزونه اۋزگە لشرسن.
«اۋزومو كناردان سئیر ائدیم» دئیە.
نە اۇلار، هردن بىر چكىل تەك لییه.
اۋز بە اۋز، تەك بە تەك قال اۆرەیینلە،
سن اۋنو دینلە!
تەك اۋنو دینە!

۱۹۸۵

□

حیات دان گئتسمدە، خاطرات دایام.
آرزوما همیشه چاتا چات دایام.

اوستومہ نہ قدر تورپاغ آتیلسا،
ایشیغام، یئنہ دہ من اوست قات دایام.

۱۹۸۶

□

نئچہ سۆز دانیشدین سن بیرجه گوئده.
یوز صیفت گیزله نیر بیرجه اوزوند.
بوْشا دولی دئدین، سولا ساغ دئدین
قاتیغا گاه قارا، گاه دا آغ دئدین.

اوزون باشدان - باشا اولدون بیلیمجه
بو خصلت حاق دان می سنه وئریلدی؟
آنلایا بیلیمیرم یوز صیفت نئجه
سنین بیر اوزونه سیغیشا بیلدی؟

۱۹۸۵

□

بومؤجیزه دونیانین
یثری قان دیر،

گوئیوقان.

حق - عدالت آدیندان
باغیران جلد لارین
سسی قان دیر،

کوئیوقان.

بوازلدن بئله دیر:

مین ایل لر دیر هئی آخیر
قابیلین تۆكدو یوقان.

۱۹۸۶

من منم

دونیانین قاریشیق منظره سینده
اۆرەك: دۆزمه دئییر،
صبیر: دۆز دئییر.
اصلینده هر بیرى اۆز جبهه سینده
تامام دۇغرو دئییر، تامام دۆز دئییر.

نه ایله بیتەجک بو جنگین سۆنو؟
اۆرە ییم غلبه چالسا، من منم.
منیم جسارتیم یئنیب قۇرخونو،
صبر یمین داشینی دلسه من منم

غثیرت می، آغیل می؟

هانى دلى لرین، آنه م نیگار،
نامردلر دۇغولدو بوزمانه ده.
دده سى كۆر اولان قوچ كۇراۇغلولار
اۆزلرى كۆر اولدو بوزمانه ده.
عالى دده ميزین گۆزو كۆر اولدو
چاغداش گدالارین اۆزو كۆر اولدو.

تۆرەدى كۆر اۇغلو دلى لرېندن
ساوادلى، بېلىك لى آغېللىلارھى.
بو آغېل ھونرە دئېل، بس نەدن
كۆلە احتياطا سجدە قىلارھى.

واختېن ھاواسىنا باش اېن آغېل
ھاوا بۇروسودور، او، آغېل دئېل.
صاباحى بوگون دن بللېن آغېل
بېلىك دېر، آرزو، عىشقە يۇل دئېل.

اۇنلارا اۇزگەسى ھامېدان ياخېن،
اۇنلارېن اۇزلىرى اۇزونە اۇزگە.
بلى، ھرشىى وار آغېللى لارېن.
مردلىك دن ساوايى، غىئېر تەن اۇزگە.

ائلەھى دئېرسن: - فراستېمېز
چاتېشمېر، آغېللى اۇلمالىق بېز.
سن آغېل دئېندە نەيى دئېرسن؟
مىنې اھېن آغلى اېستە مېرم ن.

ھمېشە دانېشدىق يىرلى - ياتاقلى
نېيە آزالمادى بېر دريا دردىم؟
بېزى احتياطا چاغيران آغلى
بېر چىمدىك غىئېر تە دەيىشدىرە ردىم.

غئیرت آزادلیق دیر، بو آمال اوچون
غئیرت آددیملا بیر یئر کۆره سینی.
غئیرت دیر ده بیشب یاردان بوگون
دونیانین سیاسی حریطه سینی

قوی آغیل، غئیرتین گنتسین دالینجا،
قوی یدک اولماسین آغیلا غئیرت
آغلیمیز غئیرت دن گئری قالینجا
دۇنور افسانه یه، ناغیلا غئیرت.

ائل دئیپ: آغیللی فیکیرلشینجه،
دلی وۇروب كئچدی چایی بیر آندا.*
دی گۆره ك نئيله دی آغیللی حمزه
دلی لر هوئی دئیپ جبهه یاراندا؟

دلی لیک ایسترم آغیللی باشدان،
قار یاغار سۇیوق دور اونون تدبیری
دلی باش آتش دیر، او كئچر داشدان،
شۇملار داش دۇزومو، اریدر صبری

آغیل، آغیل دئین باش ناغیل لارین
دالیندا همیشه قۇرخو گیزلنر.
دونیا دا آچیلان بوتون یول لارین

اۋولى غثيرت دیر، آخیری ظفر.
بیزه غثيرت گرک، بیزه اۋد گرک،
اۋلومه گئتمه به ایستعداد گرک.

۱۹۸۵ * آتاسۆزی

دئیل می

عۆمور باشدان - باشا، بئشیکدن قبره
حیاتین سئوینجی، غمی دئیل می؟
اۋلوم بیر عۆمورلوک اضطراب لارین
آغرینین، آجینین جمعی دئیل می؟

معنوی دونیا یا قالخیب اۋجالماق
قانادلی دۇیغویا قسمت دیر آنجاق.
بئله ایسه، عۆموردن، گۆندن کام آلماق
هرکسین آرزوسو، کامی دئیل می؟

آیاقلار آلتیندا یئر اۋلدو تاپداق،
سیریرینی، مغزینی بیلمه دیک آنجاق.
تاپداق ائتدیییمیز بوقارا تۇرپاق
ابدی منزلین دامی دئیل می؟

دامیمیز اۆستونده گزر، هئی گزر
هره اۆز قلبینجه بیر منزلیل بزر.

تۇرپاغى سۇرماقدان ائتمەدېك حذر،

بودا آغلىمىزىن كىمى دئىيل مى؟

اۆتەرى منزىل دە قدر خوكم ائدر،

كىمىمىز بال ايچر، كىمىمىز زهر،

ابدى منزىل دە هامى - بىر نفر،

بىر نفر اوزوده هامى دئىيل مى؟

يىستوكى (شمالى قفقازيا) ۱۹۸۶

ھارا گئدىر؟

طبيعەتىن سۆمۈگۈنە دېرەندىك،

ايلىيىنى سۇراسىيىق، سۇراسى.

اليمىزلە بوآنامىز تۇرپاغىن

داغلانمايش گۇرەن قالدى ھاراسى؟

طبيعەتە انسان كىمى گۆنو يۇخ،

ظولكىمىزدن روزگارى يۇخ، گۆنو يۇخ.

بو دونيانىن اوولى يۇخ، سۇنو يۇخ،

واراۋلارمى يۇخلا يۇخون آراسى؟

طالع بىزىم قىصدىمىزە گۆلوركن،

دۇغاناقدان كىچە بىلىمز بو اۇركن.

تۇرپاغىندا اۋلدويونى بىلىركن،

سۆز قالمادى بو دونيادان سۇراسى.

انسان اوڭلو قازاناندا اۇدوزار،
قدەرينە يازيلانى كيم پۇزار؟
بو دونيانين مين صيفتى، رنگى وار،
قسمتيميز آغيندان چۇخ قاراسى!

يارانيشدان بيز ائولادىق، او آنا.
بو ستمى نئجه قيبديق بيز اوآنا؟
ھارا گئدير او فيرلانا، فيرلانا،
سينە سيندە چالين - چارپاز ياراسى؟

۱۹۸۶

چاشيب منيم كيمى...

كىمين سە عذابى، فلاكتيميش
سعادت قۇشونون يئمى، سن دئمه.
اۋنون دا سۇنو وار، غملە قۇرتارير
ھرگۈنۈن، ھر آيين دىمى، سن دئمه
اۋلومە گئديرىك دۇغولان آندا،
ائلە بيل ترسينە دۇنير زاماندا.
نەيين سە ايزينه دوشوب تاپاندا
ايتير بو دونيانين جمعى، سن دئمه.

ھامى ائلە بيلير بير او، بئش منم.
ھر يئردە، ھر زامان آنجاق باش منم.

ائله بیلیردیم کی، تک چاش - باش منم.
چاشیب منیم کیمی، هامی، سن دئمه.

كۆچیب رۇبالارا اۆمید لریمیز،
دەیشیب یثرینی خئییر - شریمیز.
واللا، اۆزوموزو اونوتموشوق بیز،
اۆچوب آغلیمیزین دامی، سن دئمه.

ائیشین آردی دیر هر دیک، هر یوخوش،
توفان دئیگیمیز سوکوت دان قوپموش.
آتالار دۆز دئیپ ترس قۇبولوبموش
بینه دن دونیانین هیمی، سن دئمه.

۱۹۸۶

گشن دۆشه

آچاممادیم بیر قاپینی عذاب سیز،
هئچ اولمادی کدر مندن گشن دۆشه.
عۇمروم بۇیو بیر دیله یه جان آتدیم؛
سۇلادیغیم سوئبولومه دن دۆشه.

کئچدیم نئچه دۇلانباجدان، دۇلایدان،
سئچیلمه دی گوڭ هفته دن، ایل آیدان.
باغیریرام، ایچیمده کی هارایدان؟
بوز باغلایان کۇنول لره اۇن دۆشه.

ايندى داھا دۇيوشورم دۇزوملە،
اۈز اليملە اۈزومە دىر بو حملە
دۇزوم بىتدى، قۇرخورام كى، اۈزوملە
قدە رىمىن آراسىنا قان دۈشە.

قان قۇخويور زمانە نىن يىل لرى.
قۇم گتيرير، لىل گتيرير سىل لرى.
نئىلە يىرم، غم مۇھورلو ايل لرى
قىسمتىمە گۈزلە دىيىم آن دۈشە.

اۈز يۇلونو ھىچ آزمادى بو گىردىش.
زىمىم ياندى، تاخىلىمى بىچمە مىش.
نە اۈلار كى بو دونيادان كۈچمە مىش
منىم حسرت قوز ئىيمە گۈن دۈشە.

۱۹۸۶

آمان ھىتى

سىئوگىم منە قاناد وئردى، اۈچوردو.
من اۈزوم دن يۇخارىيام، آمان ھىتى.
سن قلىبىمدە قلىبىم كىمى وۇرماسان،
بوتوو دئىيل، من يارىيام، آمان ھىتى.

اۈز اليملە مۇھور لە نىر گۈن بە گۈن

اۆز الیمله باغلادیغیم بو دوڭگون.
ایلجینی غیب ائله ین بیر عۆمرون
قضا ووران قاتارییام، آمان هئی.

نیشان آلدیم، من هدفی گۆرمه دیم .
ضرر گۆردوم، بیر یول نفعی گۆرمه دیم.
اۆز حسیمدن اۇ طرفی گۆرمه دیم.
اۆز - اۆزومون چپریم، آمان هئی.

سن یۇخسان سا... من بیر هئچم، هدهرم.
سنین ایچون بیر طالع، قدهرم.
سئوگیم قدر، محبتیم قدهرم،
من اۆزومون اینکارییام آمان هئی .

۱۹۸۵

اۆز - اۆزونو آشمادیر

حیات - باشدان آیاغا،
دۇغومدور، دۇلاشمادیر.
عۆمور یولو - اۆزونله
وۇر وۇشدور، دالاشمادیر.

یۇرولدوق زامان - زامان
بو وور وۇشدان بو قالدان.

عۇمور يۇلو - مجهولدان

معلوما يۇل آچمادير.

عۇمور يۇلو قارا، آغ،

چۇخ چتىندير باش آچماق.

گاه اوزونله باريشماق

گاه اوزوندن قاچمادير.

آرتديقجا گونا هيميز،

بيزي ياخدى آهيميز.

عشق دير پناهيميز

عشق - اوزونو آشمادير.

۱۹۸۶

اثلچييم

قسمتيمين اۇغروسويام، دۇغروسو،

ظاھيرده سه من "تۇخانام"، "آلچييام"

بارماغيمى يالاماديم بال تۇتوب ،

باشقاسينا بال پايلايان بالچييام.

الينده يم، من تۇتولموش اووكيمى ،

شيشه ده ير منيم جانيم ديو كيمى

سن چئويردين طالعيمه سئوگيمى

من طالعين يئده يئده يۇلچويام .

بو دونیادان خوش بیر صیفت، اۆز اۆمدوم،
جان یانقیم ییلهپیک لهین سۆز اومدوم.
اۆنومده کی سعادتە گۆز یۆمدوم،
صاباحیما مین فال آچان فالچییم.

بیر عشق ایله من دوشموشم یوللارا،
نیت هارا، منزیل هارا، یول هارا؟
ایچیمده دیر گئجه، گۆندوز، آغ قارا،
اۆز آغیمدان اۆز قاراما ائلچییم.

۱۹۸۶

كۆهنه دردله من

ایچدیم بیر نفسه، یۆموب گۆزومو
عۆمرون باده سیننی قورتا - قورتلا من.
بیر واخت دئیردیم. کی اولوم اوزاقدیر،
بلکه قیامتە قالدیم قوردلا من.

سنوگیمدن اۆزومه بیر قالا قوردوم.
عۆمرو بو قالادا من باشا ووردوم.
دونیانى اۆزومه حارام بویوردوم.
یاشادیم حیاتی تک بیر شرطله من.

بو یثرده کلفیم یامان دؤلاشدی،

غرض زۇرنا چالدى، اينام گۆل آچدى،
ئىنىم، اوڭره يىمە شوڭبە يۇل آچدى،
باجارا بىلمە دىم اوڭ نامردلە من.

گۇيۇن يىرتىق يىرى دۇشۇدو باشىما،
سۇيۇق سۇ قاتدىلار اىستى اشىما،
ھەرگۈن بىر تىزە درد چىخدى قارشىما،
بىرگىچە ياتما دىم اسكى درد لە من.

۱۹۸۵

قاتارلاردا گىچەلر

ھىسرتىنى اىچىندە بۇغان غرىب لركىمى
يامان ھۇزۇنلو اوڭلار واغزاللاردا گىچەلر.
سىبى بىلىنمە يىن دۇمانلى كدر كىمى
غرىب لىك كىمسە سىز لىك واغزاللاردا گىچەلر.

بوردا ھايات ائەلە بىل
دۇشۇنۇر درىن - درىن.
واغزاللار ساھىلى دىر شىھر دىنىزلرىنىن.
شىھر بۇردا قۇرتارىر،
شىھر بۇردان باشلانىر.
كدر بۇردا قۇرتارىر، كدر بۇردان باشلانىز.
اۇزاقداكى قاتارىن اسرارانگىز فىت سسى

آیریلیغین

حسرتین

غم چیلەین نغمەسی!

اۆزگە دونیادان گلیر ائله بیل کی قاتارلار،

بیزە تانیش اولمایان کۆهنە سرنشین لری،

کئچیب کئددن، شەردن سۇن مقصدە چاتارلار.

نە دیر گۆرەن، قاتارین سۇن منزیلی، سۇن یولو،

اورداء، بۇردا گئجەلر...

واغزال داکی یولچولار، یۇخولو گۆزلریلە

ساییب دقیقەلری،

رقملری ھۇججەلر.

ھر کس اۆز قاتارینی - طالعینی گۆزلە ییب

واغزال لاردا گئجەلر.

گۆزوموزدە آرزوموز، کۇنلوموزدە کامیمیز،

عۇمور قاتارلاریندا یول گئدیریک ھامیمیز.

اۇنوموزە گاه یئشیل،

گاه دا آل ایشیق چیخیر.

بو دۇلایلی یول لاردا

کیمی یۇخولو چیخیر،

کیمی دە اویاق چیخیر.

اۇچور، طالع لر اۇچور،

قاتاردا...

سر نشین لڑ

طالع لردن خبرسبز
ایلہ شیب اوڑ یثریندہ...
کیمی دوشور،
آدی دا، عنوانی دا بیلین
پایتخت شہرلریندہ،
کیمی دوشور،
تانیماز یاریم دایانا جاقدا.
کیمینی گول - چیچکلہ
ہلہ قارشیلایان وار.
کیمینین نہ گتندیی،
نہ گلدییی دویولار.
یول گتدیریک قاتاردا
قاتارلار قاتار - قاتار.
کیمی اوڑ آرزوسونا
تامام چاتار،
تام چاتار.
کیمی یاریمچیق چاتار...
یاتا بیلمز،
اسنہ پرواغزال لاردا گتجہ لڑ.
عومورلر، منزلینی گوزلہ ین بولچو کیمی
قاتارلاردا گتجہ لڑ

تابوت گئدير

تابوت گئدير آغ اوتاموبيلده،
تابوت گئدير، آردینجا گئدن یۇخ
- سیزلرده بو عادت می؟
دئیە تئز خبر آلدیم.
- یۇخ، یۇخ! - دئدی.
- بس بیرجه نفر تابوتون آردینجا نەدن یۇخ؟
واختیندا یا اثرکن
انسانی بو دونیادان اۇ دونیا یا کۇچرکن
دونیا قاپیسیندان یۇلا سالماق اوچون ایندی،
بیر دۇستو، بیر همکاری، قۇھوم - قارداشی یۇخ مو؟
تابوتینا هئچ گیرمه دی بیرکس،
افسوس! دئیە آردینجا اۇنون سپمک ایچون بس،
گۆزلرده مگر گۆز یاشی یۇخ مو؟
انسان گئدير، انسان،
انسان بو جهاندا.
دۇرسون تله سنلر،
حۇرمته قۇی اۇتسون
تابوتون اۇنونندن،
هر بیرکس اوچون وار آخیردا بو گۆندن.
دۇستوم دئدی: - قانون اۇخویور هر شئییه مئیدان.
عادت لری محوایله میشیک قانون آدیندان.
عادت لری عصرین اۇدو یانديردی، داغ ائتدی.

تابوتلارين آردينجا دوشوب گئتمه يى قانون
چوخدان ياساق ائتدى.

- نىچين؟

دئدى: - يۇللاردان اگر ايزديهام اؤتسه
در حال حرکت قايداسى آلت - اؤست اولار، البت
دهشت، بو دا دهشت!

انسان اگر انسانلىق اوچون بۇرج اؤدئيرسه،
عنوانى گئدر - گلمز اولان انسان اؤنونده
انسان باش اييرسه،

قانون دا سوکوت ائتمه لى!

قانون نه دئمک دير؟

قانون اؤزو - انسانلىق اوچون بۇرج اؤدمک دير!
انسانلىقین اؤز قايداسى آلت - اؤست اولونورسا،
دؤزمک!

بونه دؤزمک ؟

قانون و نيظام نامينه ايواه!
انسانلىقین اؤز قايدالاريندان مى ال اؤزمک؟
ئىچين ده چييين لرده دئيل، اوتاموبيلده
گئتسين بو جهانندان
اشياکیمی انسان؟

بس هاردا قاليب دير اوړهک، انسان؟
سئوگيله گلير بيلمه دن انسان بوجاهانا؟
سئوگيله ده گئتسين بو جاهانندان گرک انسان.

تابوت گئندە بېلمز تكر اۆستوندە دایان، دۇر!
من گۆردوم اۆنوجییینیمه آماق منه بۇرجدور.
انسان بدن یندن جۇجریب آیریلیر انسان،
قوی چییینیمیز اۆستوندە ده گئتسین بوجاھاندان.

یۇللار ھا میسی سۇن یۇلا اۆز تۇتموش ایکن، سن
یۇل قایدالاریندان دانیشب سۇز اۆیودورسن...
قانون نه یه لازم، او، اۆرەك قصدینه دۇرسا-
انسانلیقی قصدن اۆنودورسا؟
قانون نه یه لازم، او اۆد آلمیرسا اۆرەكدن؟
او جۇجرمیرسه دیلكدن؟

قانون اۆزو قانون سیز اۇلار نغمه تک هرگاه
قایناماسا قلیده، او آلولانماسا دیل ده.
تابوت گئدیر آغ اوتا موبیلده
تابوت دئییل،
انسالیق، عدالت گئدیر آغ اوتا موبیلده.

غربی برلین، ۱۹۷۲

شاعیرلر

شاعیره هئیکل لر قۇیولان زامان،
دئییر لر، اۇنا باخ نه بختیارمیش.
آنچاق دئمیرلر کی، من یاشایارکن،

او اۋز سینه سینی ماسا یا گرمیش

اۋ کئچیب جانیندان عۋمره قیاندا
سنین نشئه لرین آشیب - داشیردی.
اۋکی یاشامیردی سن یاشایاندا،
سنین یئرینه ده اۋ آلیشیردی .

دریانین دیبیندن چیخاریلمامیش
تانیماق مۆمکون مو مرجانی، دۆرۈ؟
سن حسد آپارما اۋ داش هئیکله،
عۋموردن سؤنرا دیر اۋ داشین عۋمرو.

شاعیرلر، شاعیرلر، بیرجه سۆز اۋسته
صوبحه دک یاخدینیز اۋره یینیری.
سیزی گۆرمه دیلر هئچ واخت دیز اۋسته،
قربیه یارادئیب طبیعت سیزی!

ھامیدان گئج باتیب، قالخدینیز اثرکن،
آغاردی دان یثری گۆزلرینیز ده.
مین عذاب چکدینیز سیز یاشایارکن،
اۋلوب یاشادینیز سۆزلرینیز ده.

زاماندان - زامانا مسلک ینیزی

كئچیریب یاشاتدی نغمە لرینیز.
عادى بیر جوجوق دا آلدادار سیزی
خیال دونیاسیندا یاشادینیز سیز.

بیر کام آلمادینیز سیزكى دۇیونجا،
سیزه خوشبخت دئین تانیمیر سیزی
هئچ كس چكە بیلمز عۇمرو بۇیونجا
سیزین بیرجه گۆندە چكدییینیزی.

دونیانین یلندن داد چكن زامان
خیال كۆلگە سیندە دالدا لاندینیز.
شاهلارین، چارلارین سارایلاریندان
آلچاق داخمالاری اۇجا ساندینیز.

اۇلوم دن، سورگون دن قۇرخمايیب اصلا
یانیب اۇزونوزو اۇدا آتدینیز.
اۆرەك قانینیزلا آمالینیزلا
زیندان لار كۆنجوندە سۆز یاراتدینیز.

تعقیب له گلدینیز دائم دۇش - دۇشه،
یۇلونوز حق یۇلو، حقیقت یۇلو.
بودا قریبه دیر،
سیزین همیشه

جېيىنىز بۇش اۇلدې، قلىبىنىز دۇلو.

سۇزونوز، قىدىنىز چىخدى سىناقدان.
اۇتوب حق نغمەسى، حق اۇلدونوز سىز.
ياشاماق نامىنە كىچمە يىب حاقدان،
انالىق سۇيىلە يىب سۇيولدونوز سىز.
لاغ ائدىب گولندە حاققا يالانلار
سىزدە زمانەيە، دۇورە گولدونوز.
گاه گىزلى، خلوتى، گاه آچىق - آشكار،
گاهدا دۇئل لردە اۇلدورولدونوز.

دونيانى گزدينىز سىز اويماق - اويماق،
فرحين ايچىندە غم گوردونوز سىز.
عادى قارىشقايا قىيمايىب، آنجاق
بعضاً اوزونوزو اۇلدوردونوز سىز.

سىزىندىر دونيانى سىنە داغلارى،
بو داغلار ايچىندە كاما چاتدىنىز.
سىز ھىي يانا - يانا قارانلىق لارى،
كۇنول اۇدونوزلا ايشقلا تىنىز.

ظاليم ظولموندە دە ناشىدىر، ناشى،
آخى، عذاب دان دا ذوق آلدىنىز سىز.

ظالیم لار، جاھیل لر ھر آددیم باشی
سیزی آلچا تدیقجا اۇجالدینیز سیز.
سانمایین اۆزومو سانیرام یقین
بئله شاعیرلرین جرگه سینده...

یۇخ!

آخی منیم کیمی شاعیر جیک لرین
ایلھامی آزاۋلار، ادعاسی چوخ!
شاعیر - فیکیرلرین چیرپینان سئلی،
شاعیر - حقیقتین مغنی سیدیر.
شاعیر - طبیعتین دانیشان دیلی،
شاعیر - جمعیتین عصیان سسیدیر.

شاعیر - زمانه نین، عصرین وجدانی،
شاعیر - تاریخ لرین شرفی، شأنی.
شاعیر - بودونیا یا زامانین سۆزو،
شاعیر - حقیقتین، حاقین گۆزگوسو.
بوتون میللت لری سیز آنلار سینیز.
سیز سینیز اۆره کدن سئون اۇنلاری.
وطنه گلینجه، مجنونلار مینیز
وطن مجنونلاری، ائل مجنونلاری.

مجنونلیق گۆزل دیر!

بونه دیر؟ دئییه

ھەر جاھىل آنالماز بو اولۇيتى.

يازىق او كسە كى، يۇخدور بىر شئيە

نە سۇن سوز نىفرتى، نە محبتى!

يۇخدور بئلە سنين مسلكى، يۇلو،

قلبى احتياطدان چىلىك - چىلىك دىر.

دۇشمىن نىفرتى دىيل قۇرخولو،

دۇستون سۇيوقلوغو دۇشمىن چىلىك دىر.

بعضاً يىخىلدىنيز،

آنچاق چلىك دن

كۆمك او مۇما دىنيز آغىر گۆن دە دە

ھمىشە قاچدىنيز بىگانه لىك دن،

اۆرە كلە او لدونوز سىز اولن دە دە

۱۹۶۹

سو كوتو يازا بىلن

ايچىمدە كى سو كوتو - او سىز قىشقىرىقى

كىم ائشىدىر؟

من اوزوم...

جوابى تاپىلمايان سۇرقولار دۆزوم، دۆزوم.

بوتون سۇال لارىمى بو كەرك سو كوتوما

گلە جە يە اتمىشام.

اونون دۇشديو يىردە ھەر آرزوما چاتمىشام.

بئله سوڭوت ناله دى، قىشقيرىقدى، ھارايدى...
سوڭوتو يازا بىلن ماقىتافون، اۋلايدى...

۱۹۷۸



عۇمور يۇلوم - ايچىمدە كى وۇروش لارىم.
مۇبارىزەم - طالع ايله يارىش لارىم.
كاش اۇنلارى پۇزان اۋلا!

تۇتوشموشام، چاخماق يۇخدور آلىشماغا
قاينايرام، تېرىم يۇخ، نە جۇشماغا، نە داشماغا
اۆرە يىمىن سۆزلىرىنى اۋبا - اۋبا دانىشماغا
دەدە قۇرقود تمثاليندا اۋزان اۋلا،
بىر قىرىبە يۇخو گۇردوم، اىستە يىمجە پۇزان اۋلا!

۱۹۷۷

قىزىما

(قىزىم گۈلزارىن دۇيونوندىن بىر قدر سۇنرا يازىلمىشىدۇر.)

گلىرسىن، گىندىرسىن...
گۈزوم اۋزوندىن،
بىلمىرسىن نە سۇرور، نە دۇيىر آتان.
اۋزوندىن، گۈزوندىن،

هر بیر سۆزوندن
قلبینی اؤخوماق ایسته ییر آتان.
گلیرسن، گئدیرسن... هئچ نه سؤرمورام
باخیش لار دانیشیر، باخیش لار آنجاق
بیلیمک ایسته ییرم، آمینیم بالام،
سنی ایسیدیرمی قوندغون بۇداق؟

قیناما، بلدم من بو حیاتا،
کیم چرخى گئریه دۇندره بیلیمیش؟
اؤلادا قیزیلدان تاخت وئره آتا،
قیزیل دان بختینی کیم وئره بیلیمیش؟

گلیرسن، گئدیرسن.

ده ییشمیش بیزیم

سۆزوموز، سؤرقوموز...

بوسن،

بودا من.

اٹله گلیرسن کی، اٹله بیل قیزیم،
بواؤده دؤغولوب بۇیومه میسن.

بیر آز یاد اؤلموسان،

بیر آز اؤتانه جاق.

آوول کی ارکینی ایسترم یئنه.

گلندە قۇناق سان، گئندندە قۇناق
نەتئز اۈزگەلشدی بو اۈجاق سنه؟
سنین خیصلتین ده نئجه ده ییشدی،
دئمه گیلئیلییم، یوخ، یوخ، شادام من.
سئوکی، سئویله سن...

بیزیم کی کئچدی،
ایندی سنین اوچون ناراحاتام من
قۇرو هر لکه دن محبتینی،
هر یئرده،

همیشه
هر زمان، قیزیم.

آرخان - آتان ائوی...

سعادتینی

یالنیز ار ائوینده تاپاسان قیزیم.

۱۹۷۸

قاراباغ آتی

۱۹۵۶ نجی ایلده انگیلتره کرایجه سینه قاراباغ

آتی - زامان هدیه گؤندریلمیشدی.

جیدیر دۆزو...

سینه سینده آت اویناقلا،

جیدیر دۆزو

ايگيت ليگين آرايشى
اۋستوندى دە نال لپىرى مۇھور باغلار.
قاراباغين جينس آت لارى
ھنرىمىن كىشنرتىسى،

تۇپپوزلاردين گۇرولتوسو،
قىلىنچ لارين پارىلتىسى،
نئىتىرىسى!

قاراباغين كۇرن آتى
دۇيوشلردە آرخاسىدىر
كۇراغلونون،
باياندۇرون.

جىلوونو گمىردى مى!
ھنرىنىز وارسا اگر اۋقىزمامىش،
قامچىلاردين ھەدەسىنە داياندىرىن.
كىشنەدى مى اۋاۋچاق
كىشنرتىسى - قانادلارى!

قامچى وۇرما!
قامچى يۇلاگىتەرەمى جينس آت لارى؟
زامان كئىچدى،
زمانم دە قىرآت، دۇرآت - زامان اۋلدو.
ايگيت ليگى كىتاب لارا كۇچورولدو.
يادداش لاردا اۋنودولدو.
"زامان" آتىم امان آتىم!

اوتاموبیل زامانىدا

نییه آخی سنین آدین زامان اۆلدو؟

گئیرییه می دۆندو زامان،

مگر راکت - کامان اۆلدو؟

قیرآت، دۇرآت

ایندی نه دیر؟

اکزوتیکا، اکسپونات!

دۇوروموز ده نه دئمک دیر

کرال یادا کرالیچه؟

اۆز اؤول کی حۆکموندە می

بوگوڭ یئنه

بریتانییادا کرالیچه؟

کرالیچه الیزاوتا

یئللندیکجه

آراسیندا گۆیون، یثرین،

نفس آلیر هاواسیلا

اۆتوب کئچن طمطراقلی عصرلرین.

اۆ بینمیر

آسفالت اۆسته قۇش تک سۆزن ماشین لاری،

گۆیدە گزن ماشین لاری

ایسته بیرکی

عصرین دلی سورعتینی اۆنودا اۆ،

کئچن عصرین دۇیغولارا سیغال چکن

آھنگينە دم توتا اۋ.
كارئادا سئيرە چيخير،
آت ساخلايير
اۋ دولەنن اۋلوسونو
كفن لمك عوضينه
صاباھينن كۈرپەسى تەقۇنداقلايير.
اۋز كۈكرنە قايتماق لا
گۇمان ائدير
اۋز عصريني قاباقلايير.
اكزوتىكا وۇرغونو دور
كرالچە اليزاوتا.
سيياحتە چيخان زامان
قامچى وۇرماز اۋھر آتا!
مئيىل ساليب قاراباغدان
تحفە كيمي گتيريلن
كھر آتا!
"زامان" ياتمير ايپە، ساپا،
ديرك اۋلوب كيشنرتيسى يثرە گۇيە.
نە قامچىيا بۇيون ايير، نە ھدەيە.
اۋگميرير جيلوونو،
كرالچە سئير ائلە ييرگئن دن اۋنو،
آياق لارى ائشير يثرى،
ياخين قۇيمور ھندە ورە مئھترلرى.

نە ائتمەلى؟

گلیر بیریر

جیدیر لاردا آد قازانان

ركۆرد وۇران مینیجیلر.

نە فایداسی،

اۇرام اۆلمور.

كرالیچه آرام اۆلمور،

غضب له نیر:

- بریتانیادا بۇخ مو مگر

بیرجه کیشی، -

رام ایله یه بو اۆلموشو؟

كرالیچا یانا- یانا

باخیر اۇنا

حئیران کیمی دۇروشونا،

حیرص له یئری ائشمه سینه،

حئیران قالیر

کیشنه ینده گۆر سسینه.

آت دۇیور کی،

گۆزلییی حئیران قویوب

ماتدیم - ماتدیم باخانلاری،

نئچه - نئچه یاریش لاردان

غلبه یله چیخانلاری.

بئله حئیران باخیش لاردان

اۋايىرەنير،

ايستەيىركى،

بئلىندەكى

اۋنون جئيران حوسنونه يۇخ،

قاچيشينا،

يۈروشونه حئيران قالا.

ايستەيىركى،

اياقينيىن آلتينداكى

بۇيودويو تۇرپاق اۋلا

ايستەيىركى،

بئلىندەكى

ياريش لاردا نمر آلان جۇكى دئيىل.

وۇروش لاردا ظفر چالان

ايگيت اۋلسون!

ايستەيىركى،

يويه نيني گميرنده

جىلوونوچكىب يىغان

ايگيت اۋلسون

ايستەيىركى

صاحيىى دە

آتيلماپا بئلدىن بئله.

كىشەنەيندە

صاحيىى دە

كیشنرتیه جاواب وئره
كۆراوغلونون نعره سیله.
اۇ بئلىنده كرالچه غمزەسى یۇخ
وۇروش ایستر، هوئرا ایستر.
اۇ، بئلىنده
آینالیلی هجر ایستر.
گونلر كئچدی، آیلار اۇتدو،
قاراباغین كۆهلىنیه
قیش دا كیشمیش،
یازدا یاشیل اۇت وئردیلر.
سحر - سحر

چمنلرده گزیدیردیلر،

اۇ یئمه دی - اۇ ایچمه دی.
قیزیل یوین لاققیلدادی چنه سینده،
دۆلاندیقجا یاد تۇرپاغین سینه سینده
آریقلا دی اۇ گۆن به گۆن
خیقئینی چکیردی آت
شاه بۇلاغین
جیدیر دۆزون
اوره یینده
ساری داغدان یئنن داشین
سسی دیندی
گۆزلرینده

داش آلتىنىن آغ سۇلارى
گىلە لندى

اۇ دۇزمەدى
يۇخ دۇزمەدى
بوخىقت دە چۇخ حكمت وار.
ياد اقليمه دۇزه بيلمز
اۇز - اۇزونو آتمىيانلار!

شكى، ۱۹۷۶



من دونيانين بىر پاراسى
بىر پارچاسى، قطعە سىيىم.
بىرجه يىردە اۇلوب آنجاق
مىن - مىن يىردە بىتە سىيىم.
من بىليىرم قدرتىمى؛
اۇز - اۇزومو اۋتە سىيىم.
عقىدە مىن گۇر سىيىنى،
قانادلانماق ھوۋە سىيىنى،
اۋرە يىمىن نغمە سىيىنى
چۇخ اۋتموشىم، اۋتە سىيىم.
من بىليىرم قدرتىمى
اۋزومودە اۋتە سىيىم
"گونش بايراق، گۇىلر چادىر"،*
آرزو منە گىئىدن باخىر،

نەجە اۇلسا اول - آخیر

من اۇنادا يئتە سېيم

من بېلیرم قدر تیمی:

اۆز - اۆزومو اۆتە سېيم.

* بوجومله اۇرھان یازیتلاریندان آلینمیشدیر

۱۹۷۸

آی گیدی دنیا!

آتۆم ونیترون بۇمبالاری ایله دونیانی

هدهله یین آمریکا ارتجاجیلارینا *

گۆزومو آچالی بیلدیم، آنلادیم،

انسانی اویودان ده بیرمان دئیل

بس نه دی دنیا؟

اۆزوندن سۇرۇشدم، سۇسدو، دینمه دی

اسنه دی دنیا.

بیزی دینله مه دی، اۆزو دانیشدی

یانقیسی دانیشدی، گۆزو دانیشدی

دونیانی تاکیدلە هده له یین لر

من، من - دئین لر

دونیانین بطنینده آتۆم چیخارتدی.

اۆزونون مالیینی اۆزونه ساتدی،

آتۇمون ضرىپىندىن اينلەدى دۇنيا.
ايندى دە انسانى دىنلەدى دۇنيا.
بس ايندى نىجەسن، آى گىدى دۇنيا.

* قىزىل روس امپىريالىزىمىنىن باسكىلى دۇورلىرىندە بۇتىپ ابيقراقلارلا
شاعىرىمىز مئاۋلارىنى عمومى ائدىردى.
آنچاق مخاطبىنىن كىم اۇلدغونۇ آذربايجانلى اۇخويوجو چۇخ
گۇزل آنلاردى

دكتور. احمد. س

۱۹۷۷

كیچیک پنجره

بۇيوك ايسكوچيا شاعیری / بورنسین دۇغولدوغو

و یاشادیغی اتوین چۇخ کیچیک بیر پنجره سی وار.

چون کی اۇ زامان پنجره نه قدر چۇخ و

بۇيوك اۇلاردیسا، اتو صاحیبی اۇ قدر چۇخ

وئرگی وئرمله لی ایدی.

آییر ماق چتینمیش خئییردن شری،

گوئش ایشیغینا وئرگی قۇیولدو

آداملار کیچیلندی پنجره لری،

بالاجا داخمالار ایشیغیسز اۇلدو.

همیشه انسانین حاَقی یئیلمیش

عدالت دئییللمیش ظوْلَمته، ظوْلَمه.

گوئشین ایشیغی موَفته ده ییلمیش،

اۇنون دا صاحیبی وار ایمیش دئمه.

گوئشین ایشیغی باشلاراسرگی،

انسان نه چکمه دی قانون دان یانا.

گوئش ایشیغینا آلینان وئرگی

خرجلندی جهالت قارانلیغیندا.

قلبی ایشیق ایله دۇلان شاعیرین

قسمتی اتوی تک بیر ظوْلَمَت اۇلدو.

آرزوسو آزادلىق اۋلان شاعىرىن
قازانچى ھمىشە اسارت اۋلدو.

كىچىك پنجرەدن باخدى دونيايا.
بوتۋولىك يۇخ اۋلدو، بۇلوندو ھرشنى
اۋ باخدى گۈنەشە، اۋ باخدى آيا،
چرچىوہ ايچىندە گۈرۈندو يتر-گۈى

اۋمىدى، آرزوسو قالدى يارىدا،
دوۋشدو چرچىوہ يە آرزولارىدا.
بارىتا چئورىلدى اۋرەيىندە كى،
آتشە نە اۋلچو

نە داش، نە چكى؟

دۇياچاق،

گۈرەجك

ياناچاق

تكى،

سىنەدە داش دئيىل، بىراۋرەك اۋلسون.

زامانىن يىندن نە غم لىرىدى،

يىنە دە دونيادان اۋزو دۈنمەدى.

دردىنى نغمە يە چئويرىب دئدى:

- دونيانىن دردلىرى قلىبە يۈك اۋلسون

آرزولار همیشه ظوّلمتی یارمیش،
گلەجک گۆنلرە سالام آپارمیش.
گۆزاگر گۆرورسە...
نە فرقی وارمیش.
پنجرە یا کیچیك، یا بۆیوک اولسون.

،ارا، ۱۹۷۸

دونیانین

باش چیخارماق هم چتین دیر، هم آسان
ابلیسیندن، مله ییندن دونیانین
آدم ساتدی بیر بۇغدا یا جنتی،
تۇرا دوشدو کله ییندن دونیانین.

نە گۆزل دی، اۆرەك گئنیش، سۆز آچیق
یا شامادیم بیر سئودامی یاریمچیق
عذاب آدلی دە بیرمان دان نارین چیخ،
کئچه جکسن اله ییندن دونیانین

آرزوم اوچون بیر مله یین جو یۆردوم،
اؤتپەدن بوتپە یه یو یۆردوم.
نییه قۇرخوم کفنیندن؟
نە گۆردوم
بئشیییندن، بله ییندن دونیانین؟

ای بختیار، زامان عۆمرو اریدیر،
اؤ دونیا یا گئتمه میشدن چورودور.
آرخاسینجا پالاز کیمی سورودور.
برک یاپیشسان اته ییندن دونیانین.

۱۹۷۷

دونیا

یولوندا ثابت دیر، آنجاق انسانی
گاه یوخوشا سالیر، گاه دۆزه دونیا.
بیر اوزو گئجه دیر، بیر اوزو گۆندوز،
دایانیب اوزیله اوز- اوزه دونیا.

گاه سنی وار سانیر، گاه دا یوخ سانیر
اوزو اوز ایچینده گیزلی ساخلانیر.
گاه زارافات ائدیر، گاه آجیقلاانیر،
تپه دن دیرناغا مۆجیزه دونیا.

اوزو معمادیر، سۆزو تاپماجا
اوغول ایسته بیرم اوندان باش آچا.
آهیلا آهیلا دیر، قوجایا قوجا.
جاوانا گۆرونور تپ تزه دونیا.

بختیار، قدرتین عقله گۆوندی،
گۆی لرین اسراری یئرلره ائندی،

بیر تۆك دن آسیلیب طالعی ایندی،
انسان عملینه کاش دۆزه دونیا.

۱۹۷۰

بهانه دیر

دیشلریم تۆكولدو، ساچیم آغاردی،
یاشین نه گۆناهی، یاش بهانه دیر.
طالعی داش آندی، باشیمی یاردی،
بوْنا داش نئيله سین، داش بهانه دیر.

بعضاً بهار دادا سارالیر یاریاق،
طالعین الینده هر شئی اویونجاق،
انسانی اۆلدورن اجل دیر آنجاق،
آزار دا، بئزار دا بۆش بهانه دیر.

لاغ ائتمه بدبخته، گۆلمه ناکاما.
بدبخت جان آتماقلا یئتیشمز - کاما.
بختیمدن قاریاغدی عۆمور باغچاما،
بونا قیش نئيله سین، قیش بهانه دیر.

من قوزئیلی اۆلدوم، آرزوم گۆنئیلی،
اؤنا چاتاممادیم، چالیشدیم خئیلی،
بختیار، بختیندن اۆلدون گیلئیلی،

بودا سنین او چون خوش بهانه دیر.

۱۹۶۵



منیم قسمت یمدیر آلا تورا نلیق
گنجه یله گوندوزون آراسیندایام.
قورولور ایچیمده میزان - تره زی
او گوزله بو گوزون آراسیندایام.

یوللار آیر یچیندا چوخ تالانمیشام،
فیکیرلر الینده هاچالانمیشام،
تپه دن قورخموشام، دوزو دانمیشام،
ایندی داغلا دوزون آراسیندایام.

ایلشیب قالمیشام غم چالاسیندا،
بیر گوزل تیلیسمین داش قالاسیندا،
همیشه دهلیزین آستاناسیندا،
باییرلا دهلیزین آراسیندایام.

بختیار سینه دن نئچه من کئچیر،
بیری دردلی کئچیر، بیری شن کئچیر،
مفتیللی چپرلر سینه مدن کئچیر،
باکیلا تبریزین آراسیندایام.

۱۹۶۹

انسان - گۆیده آی کیمیدیر...

چمن لیک ده گۆل - چیچه بین

ساغ - سۆلوندا علفی وار.

دونیا ده هر بدبخت لیبین

هم ضرری، هم نفعی وار.

واخت حاکملر، حاکمیدیر،

حیات وارکن یۇخ کیمیدیر.

پایدان چیخان اۇخ کیمی دیر.

هر عۆمرون اۆز هدفی وار.

اۆرەك ده دیر سۆزون كۆكو،

آیبرا بیل توک دن توگو،

چۇخ آغیر دیر مسلک یوگو،

چکه بیلسن شرفی وار.

اۆرەك فیکرین تیلیسمیدیر،

هر قاتی بیر لای کیمی دیر.

انسان گۆیده آی کیمی دیر،

گۆرونمه بین طرفی وار.

قارا قۇطۇ

امريكا ژورناليستى ديويد رۇرويك «دۇن دېھنك» بۇگۇن قارا قۇطۇ» مقالەسىندە گۇستېرىكى، امريكادا
 آدم لارى مطيع رۇباطا چئويمك اوچون هر واسطه يە
 ال آتيرلار.

مرکزى كشفیات ادارهسى آدم لارين دانشیغینی یازماق
 اوچون قارا قۇطۇلاردان استفاده ائدير.

مرکزى كشفیات ادارهسى دئییلدیینده ك.گ.ب نظرده
 تۇتولموشدور. بۇنون یازیلدیغی تاریخ ده (۱۹۷۵) بونو آچیق
 دئمك اولمازدی.

* ("لیتر اچرنا یا قزئتا"، ۱۹۷۵)

رۇرويك دئیر:
 اۇتوب كئچدی دېھنكلر زمانهسى.
 گلیب چاندی،
 دۇداق لاردا، قۇلاق لاردا

دۇیه نكلر زمانهسى.
 عینی سۇزلر دۇداق لاردا جادار اۇلدو.
 قۇلاق لاردا قابر اۇلدو.
 دئدیلكی، بیرمئحرابا ال آچمالی،
 بیرجیغیرلا داغ آشمالی،
 عینی سۇزوا ئشیتمه لی،
 عینی سۇزلر قۇلاق لاری دۇیجه لدی،

اۋتوب كىچىدى دىيەنكلىر زمانەسى.

گىلىپ چاتدى دۋيەنكلىر زمانەسى.

قۇلاغىمىز باغىر اۋلدى،

اۋتن گۈنلىر بو گۈنلىردن فاغىر اۋلدى.

دۋيەنكلىر دىيەنكلىر دن آغىر اۋلدى.

كۈچەلردە،

منزىل لردە،

هۋتلىر دە: قارقۇطو

فىكىرلىرىن

آرزولارىن دار تابوتو!

اۋرا گىتمە، گىرىيە دۋن: قارقۇطو!

كىبرىت بۇيدا ماقنىتافون: قارقۇطو!

اۋز دۇغماجا منزىلىندە

اۋرەيىنى دانىشىدىرما سن دىلىندە!

رياستە قالخانلارىن

چىركابىنا بۇلاشارسان

اۋز دىلىندىن دۇلاشارسان!

هر شەردە، هر اۋتاق دا،

اۋبۇجاق دا، بو بۇجاق دا

اىزلىرىنى قارقۇطو!

فىكىرلىرىن، آرزولارىن دار تابوتو!

سنىن حاقيىن: قۇطولاردىر.

حاقي اۋنۇندە اىيل،

اییل!

تک اوزون مو؟ خئیر، خئیر!
بئینین ده کی فیکیرلر ده،
قلبین ده کی دؤیغولاردا

سنین دئییل،

سنین دئییل!

بسدی بوتون مملکتی
قۇطولارین واهیمه سی.
اوڤره ک لرده دؤغولما میش

تئز بوغولدو

فیکیرلری گولله لیب
خیال لاری اولدوردولر،
توکولمه دی آنجاق قانی.
دوشونه نین یانان قلبی:
فیکیرلرین قبرستانی!
بیر اوڤره ک ده یوز - یوز قبیر!
کیمه وئرک باش ساغلیغی؟
اؤلنلرین صاحیبی یوخ!
بیز ایشیغلی فیکیر لیلر،
بیر فیکیر سیز، عقیده سیز

قۇلبچه یه قۇل اولموشوق!

باخین بیزه، گؤرون بیزی،
نه گؤنده بیک

ھېچ بېلىمىرىك، نە مىسلىك دە،

نە دىندە يېك.

بىز ھامىمىز

كىبرىت بۇيدا

قۇطولارین ایچىندە يېك

۱۹۷۵

ياخشى كى بېلىمىرىك

ایمکانین حدینی بېلسە دە انسان

خیالا، آرزو یا ینە تشنە دیر.

بیزی یۇخولاردا كاما چاتدیران،

آرزونو گۆلدورن یۇخولار نە دیر؟

سۇن سۆز آرزولارلا خیال تن اولسا

اۇ شیرین اولمازدی یۇخولار کیمی.

یۇخولار ھمیشە اگر چین اولسا

ياشاماق انسانى بئز دیرمزدیمی؟

عۇر و موز بۇیونجا، خئییردن، شردن

كۆنول، بیر مۇجیزه گۆزله بیر نسه.

ياشاماق، عذابە دۇنردی،

ھردن

خیالا گلن لر باشا گلە سە.

خیال - قوۋولدوقجا قاچان بیریری
 بعضاً کۆل اۆفورور گۆزلریمیزه.
 آلیب الیمیزدن نقد گۆنلری
 نسیسه گله جه یی بخش ائدیر بیزه.

آل الوان بویالی دوشونجه لردن
 بعضاً یۆل سالیریق تۆی - دویونلره.
 قانادلی، قانادسیز یوخولار بعضاً
 شکر دامجی لاییر آجی گۆنلره.
 یوخولار قوینوندان قۇل آجیب قۇناق
 آرزو گولشنین چیچک لیگینه
 بوکی گۆناه دئیل... بعضاً آلداناق
 شیرین یوخولارین گرچک لیگینه.

اۆره ک ده دۇغولان سیرلی بیر سسه
 اۇیوروق...

بیلیمیریک هاردان دیر بوسس؟
 اگر اۆز یوخومدا اۇچان منمسه
 اۇندا چارپاییدا یاتان کیمدی بس؟

بیز هله بیلیمیریک نه دیر بو آخین؟ -
 دۇلان، اۇ طرف دن بۇشالیر یئنه.
 بیز هله بیلیمیریک اۆز دونیامیزین

بوتاییندا نه وار، اۇ تاینیدا نه؟

چۇخ شئی بیلیمیریک،

سیرلر قات - با - قات.

بیتمه سین انسانین آرزوسو، دردی.

یاخشی کی، بیلیمیریک...

یۇخسا بو حیات

نئجه عادیلش، ساده لشردی.

۱۹۸۰ - ۸۱

هر عۇمرون سۇنوندا،

سۇن آندا یالنیز

نئجه یاشاماغی درک ائدریک بیز.

قانریلیب اۇلومون آستاناسیندا

بیرده بۇیلانیریق حیات طرفه.

- باشقا جور یاشاردیم - دییریک اۇندا -

دونیا یا گلکیدیم ایکینجی دفة.

بیزیمله برابر گئدیر تۇرپاغا

عۇمرون زیروه سینده دۇشوندویوموز.

بو جورّه بیرینه پیچیلدا ماغا

نه ماجال تاپیریق

نہ ایمکان،

نہ سۆز.

غثیرت

کیتابلار اؤخودون مکتب بیتیردین،

نئچه معلیمه امتحان وئردین.

وظیفه تاختینا چیخانندان بری،

گردین شهرلری، مملکت لری.

گۆرورم، ماشاالله، بۆل ساوادین وار،

هریئردن، هر شئیدن معلوماتین وار.

بۇنلاری بیلیمکله چۆخ اؤیونمه سن،

خبرین وارمی دیر بس اؤز - اؤزونندن؟ -

اؤز دۇغما کندینندن،

اوز ائل - اویانندان؟

اصلینندن، کۆکوندن، اۆلو بابانندان؟

بۆیوک داهیلری ازیر بیلیرسن.

اؤزگه لر اؤنونده چۆخ اییلیرسن.

دئ نئچین؟

بیلیک دن، ساواددان قاباغ

غثیرت ایسته بیرم من سن دن آنجاق.

بیلیک آلینما دیر، بیلییه نه وار

اؤنو زحمت له ده قازانماق اولار،

چتین دیر غئیرتی سعیله قازانماق
اگر مایامیزلا بیر دؤغولماسا...
واللا.. بیلک لرین بیر فایداسی یوخ
اؤنو خرجلمه یه غئیرت اؤلماسا.
آختارما ادادا، گوزدن سن اؤنو،
سانماکی، اؤسنین اؤز الینده دیر.
غئیرت پالتار دئییل، گئییه سن اؤنو
غئیرت غئیرتلینین عملینده دیر.
آما غئیرتینین ناقص لییین دن
شیکایت ائله ین گورمه میشم من.
کاش ائله بیر جهاز کشف ائدیلتیدی
قانداکی غئیرتی اولچه بیلیدی.
آندا شرف سیزلر رتبه یه مینمز،
اؤندا عمل اوچون سۆزه نه حاجت،
اؤندا اؤز یثرینی توتاردی هرکس،
قاپیلار دالیندا قالمازدی غئیرت.

يالان دونيا

گاه باشيما تۇمار چكن،
گاه ايلان تىك چالان دونيا.
گاه سينه مه داغلار چكن
گاه كۇنلومو آلان دونيا.

گاه داغيلان، گاه قۇرولان،
بعضاً آچان، بعضاً سۇلان،
گلنلرى يۇلا سالان،
اۇزو باقى قالان دونيا.

بيرياندا آت، بيرياندا اوت،
سۇلو گۆنش، ساغى بۇلود.
دۇشاناقاچ، تازيبا تۇت -
دئين كۇهنه فيلان دونيا.

مين رنگى وار، مين دۇنى وار،
نئچه - نئچه اويونو وار،
نه آوولى، نه سۇنو وار،
يالان دونيا، يالان دونيا!

بیر عۆمرون ترجمە - حالی

جرار فیلیپ سۇیا باتدی اۆلمەدی

نئچە دفە زەر داددی اۆلمەدی .

اۇداگیردی

ساچلاریندان تۇنقال چاتدی اۆلمەدی .

اۆزونو بئش مرتبەلی ائوین

دامیندان آتدی اۆلمەدی ،

ياتاغینا راحت ياتدی اۆلدۈ .

۱۹۸۲

تحقیق

كفگیر،

سطیل

آفتافا،

قازان،

گوئیوم،

تاس،

سینی...

پیش تاختانین اۆستۈندە گۈزلە بیر مۆشتەرینی .

اۆستۈندە کی بوتالار گۆز اۇخشیان، قلب آچان

سطیلە باخ سطیلە،

قازانا باخ قازانا.

نئجە احسن دئمە یک

اۋ اينجه ناخيشلارى قازان اۋستدە يازانا.
بو غرب مملكتيندە آخى كيمە گرگ دير
سطيل،

گوۋوم،
ياكفگير؟
بو شئيلرين ديه رى گرگ ليين دە دئييل،
اينجه صنعتين دە دير.
ناخيش لاردا دانيشير خالقين ذوقو، حكمتى.
ناخيش لارين ديليله شرقى غربه تانيدير
بو قديم تورك صنعتى...

ساتيجيدان سۇرۇش دۇم تورك ديليندە:
- تورك موسن؟
آنلامادى اۋ منى، آنلامادى دئيه سن.
ديلمانچ منيم سۇرقومو اۋنا باشا سالىنجا
سيييريلىپ چىخدى قين دان كيشى دۇنوب قيلينجا،
سۇيوش سۇيوش دالينجا
دۈشەدى جمديمه
اۋ توركلويو اۋزونه تحقير بيليرميش دئمه.
دۈشوندوم:

بودونيانين قات - قاريشيق ايشلرى:

ديكلرى، ائنيش لرى

گوۋلمە ليدير،

گولمه لی

دوניה بینا اولاندان

گۆزل تۆرك صنعت یندن قازانچ گۆتورن اوغلان

بس تۆركلویو اؤزونه نییه تحقیر بیلمه لی؟...

دۆر تموند، غربی آلمانیا، ۱۹۸۲

اؤزومله صۇحبیت

هردن سۆروشورام اؤزوم - اؤزومدن:

- نییه بو دونیادان گیلثیلییم من؟

ایسته ییم، طلبیم آرتیر گۆن به گۆن

بو قدر نانکورلوق نه یه گرک دیر؟

عاقیل لیک، دونیا یا گلدی بیی اوچون

بیرجه نفسه ده شکر ائله مکدیر.

من هئچ گلمه سیدیم دونیا یا، مگر

دونیادان بیرچؤب مو اسکیلە جکدی؟

آنامین بطنینده اؤلسیدیم اگر

دوניה یۇخللوقومو نه بیله جکدی؟

نه وئریب آلمیشدیم بو عؤمرو گۆرن؟

من جانی یاراتدیم، یا بوجان منی؟

مؤفته آلدیغیمی قایتارام گرک،

بس نه دیر گۆره سن آغریدان منی؟

باشقاسى اولسايدى منىم يثرىم ده،
 بلکہ ھىچ دئمزدى: - بوگىلىنى نە دىر؟
 منىم بو دونيادان گىلىلرلىم ده
 آلدىغىم جان كىمى آنجا ق موۋتە دىر
 نە دىر بو شىكايەت؟ نە دىر بو دانلاق .
 بلکہ بو دونيانىن بۇرچو وار منە؟
 ...گوۋتون دۇغوشونا بىردفە باخماق
 دەىر بو دونيانىن ھەر موۋحتىنە!

شكى ۱۹۸۱



آللاھ، آللاھ، من كىم؟
 آتام كىمدىر،
 بابام كىم؟
 نە دىر منىم آخىرىم،
 نە دىر منىم اولىم؟
 خالىق - بو تۇرپاقدىسا
 ايلكى نە دىر تۇرپاغىن؟
 ھارا گئدىر بو آخىن؟
 بو يوۋخلىقدان وارلىغا،
 بو وارلىقدان يوۋخلوغا

گئدن سۇنسوز آخىن نە؟
 اوزاق نە دىر،

ياخىن نە؟

سۆكۈن نە دیر، تىكن نە؟

زامان نە دیر، مكان نە؟

ياشادىغىم بو دونيا

كائناتىن ھاراسى؟

نە دیر يارانمىش لارىن

ابدی ماجراسى؟

آغىل بو درىنلىيە

وارا بىلمىر بس نىيە؟

منى ال چاتماز ليغا،

منى يۇنلتىمىزلييە

چاغىران

ايچىمدە كى سس نە دیر؟

ياشايب ياراتماغا

بوسۇنسوز ھوس نە دیر؟

نە دیر، نە دیر؟

نھايت،

نەيىن اۆزو بس نە دیر؟

مردكان، ۱۹۸۳

شھيد مزارلارى

گلىرىك دونيا يا بىر آمال اوچون

گئدىرىك...

ياشاير بو يۇرد بوتورپاق!

اۇلر بيزيم كيمى وطن ده بيرگون،
وطن چون اۇلومه حاضير اۇلماساق!

وطنى سئوميرلر قوروجا سۇزلە،
وطن دير ياردان، ياشادان بيزى،
بيزده يئرى گلە

اۇلوموموزلە

گلدېك ياشاتماغا وطنيميزى!
نئچە عصيرلە بس ائدر بعضاً
وطنه ھاى وئرن بير اۇدلوسس ده.
دوئن ده، بوگون ده ياشاير وطن
بابكين قيريلان قۇللارى اوستده.

شهيد مزارلارى... دوشمن قنيمى!
وطنين كۆكسونده وقارلا دۇروب
مينيم وارليغىمى بير تصديق كيمى
يوردون سينه سينه مۇھورلر وۇروب.

شهيد مزارلارى...

بومقبرەلر

اوعصيرين بو عصره اوزانان الى،
باسقين لار...

هۇجوملار،
وۇروشلار،
نەلر!

بیر خالقین تاریخی...

عشقی، عملی!

شهید مزارلاری...

منی،

هم سنی،

بیر یۇلا چاغیریر،

تك بیر سۆز دئییر.

بۆتون عصیرلرین فیکیرلرینی،

بیر فیکرین اۇدونا شعلهلندیریر.

شهیدلر ئور ساچیر آمالیمیزا

همیشه یئنیلمز،

همیشه مغرور!

اۇنلار قۇناق گلیر خیالیمیزا،

اۇنلار رۇحوموزدا بینهلر قۇرور.

شهیدلر سیئچراییب خیالیمیزدان

اۇتور ماهنیسینی اۇتن چاغلارین.

خئییر - دعا وئیریر بیزه هرزامان،

باشینا دۇلانیب اۇد - اۇجاقلارین.

شھيدلر بۇيلانير عصيرلر اوستن،

دۇلانير زمانە،

دۇنور قرينە.

نئجە ياشاماغين، نئجە اۇلمەيىن،

طرحينى اۇيرە دير نوەلرينە.

- وطنى سئویرم - دئىن چۇخ اۇلار،

دئمە يە نە واركى - ديل يۇرولماسا.

وطن دە بيزيم تىك اۇلر، يۇخ اۇلار،

وطنين يۇلوندا اۇلن اۇلماسا!

۱۹۷۵

طلبەلريمە

اۇچون، اۇچون

خيالداكى زىروەلردن اتلانين،

طلبەلريم منيم.

بوگون منە گوۋندينىز،

صاباح سىزە گوۋونيم.

بوگون اۇنومدە سىنىز

صاباح ايسە آياق آچيب

گزن شيرين سۆزلىريم...

وطنيمە سېلنميش

منيم دان اۇلدوزلاريم...

من اۆیره دن،

سيز اۆیره نن،

زامان كئچیر، يئر ده بيشير

بو مقدس دؤورده...

بو دونيانى اۆیره نيميشم

من اۆیره ده - اۆیره ده...

منه هيچ واخت ياد اولمادی

ستوينجينيز،

غمينيز.

خيال لارلا نفس آلان

جاوانلىق عالمينيز.

سسسينزه - دؤيغونوزا

دؤلا - دؤلا،

سيزين ايله آدديلاديم

قۇل - قۇلا....

سويو هر ايل ده ييشيلن

بیردينيز وار اونومده

سويو آخير،

دؤرولور.

بو طرف دن بۇشاليرسا.

اۇ طرف دن اۇ دؤلور.

گنجليک آخير،

بو آخينا قۇشولدوم.

ياشيم آرتدى...
آنجاڭ يئنه

سيزينلە ھمياش اولدوم.

ائلە دئديم: - بو دونيايا
نە باخديم كى نە گوروم.
بش ايل آچيب اورتدويونوز
قاپيلارى

اوتوز ايل دير

من آچيرام،
اورتورم.

سيزين اوچون بيتن بير شى
بيتە بيلمير منيم چون
اويرە ديرم،
اويرە نيرم

گون به گون.

من ھميشە

سيزين ايله ھمياشام

ھامينيزا يولداشام!

ائل - اويادا آياق آچيب

منيم گزن سوزلريم

وطنيمە سېەلنميش

آى منيم اولدوزلاريم،

فیکریمیزدن، سۆزوموزدن

آلدیغینیز ایشیغی،

ائل - اوبادا كۆرپه لرین

اوره یینه سپین سیز.

بیچین اولماز سپین سیز.

بوگون کی درس

تک بوگونون درسی دیر

تک بوگونله

سیز گلمه یین وجده،

یوخ!

سیزدن حورمت گوزله ییرم،

سجده یوخ!

سجده ده بیر حرکت یوخ،

چیرپینتی یوخ،

آلؤو یوخ!

اؤهم ساکیت،

هم دؤنوق!

سن اؤنومده دؤنورسان سا

من ده یوخام،

سندده یوخ!

باشقا سیمده چالمالیشان

منیم کؤهنه هاوامی.

سن من می سن؟

يۇخ!
فيكريمين،

عقيدە مەن
داوامى!
سەزىن مەن سئوگىنىز دە تاپمىشام
ايتىردىيىم نە وارسا
مەن سەزە دىدىك لىرىم
رۇھونوزدا ياشارسا
سەزىن آياق باسدېغىنىز
ھەراۋادا مەن واران.
قەلبىنىز دە قاينارام
دەلبىنىز دە ياشارام.
گلە جەك دە ياشارام!
صابەر اۋلوب،

پوشكىن اۋلوب،
وۇرغون اۋلوب
ھەر درسىمەن اۋن سۆزۈ.

بەس نە ايمىش
مەرامىمەن، مەطلبىمەن
سۇن سۆزۈ؟
ھاردا بىر ائو اۋچوب دۇرسا
بىز اۋائو
دىرك اۋلاق،

داش اۇلاق.

عاديجە بيرانسان دئييل،

بو وطنه،

اصيل وطنداش اۇلاق!

۱۹۷۴



من انسانام

مين آرزوم وار، مين كاميم وار

آنجاق بيرجه ايناميم وار.

بو دونيا ياگتيرسه ده آنام منى

ياراديب دیر اينام منى!

من اينامين ائولاديام.

اۇنون كى دیر عۇمروم، گوٴنوم.

اۇكۇمپاس دیر

عقربينين اوجوندا دیر

يۇلوم، يۇنوم

اينام يۇلدور، يۇنوده بير...

بوٴتون يۇللار هاچاليدير،

تك بو يۇلون هاچاسى يۇخ.

بیز بو يۇللا، بیز بو يۇنله

آچيلمايان قاپيلارى آچاسييق.

۱۹۷۵

ایچه ری باخ

آچ گوزونو دونیا یا باخ.

بو چمن دیر،

بو چؤل،

بو باغ.

بونرگیز دیر، بوقیزیل گؤل.

بو یارپیز دیر، بو قرنفیل.

بس آرزومو، نیتیمی،

بس سئوگیمی، نيفرتیمی،

دهشتیمی

حئیرتیمی،

هانسی گوزله گۆره جکسن؟

فیکیرلری، دویغولاری،

حسّ لری، آرزولاری،

گۆره بیلسن،

سن منیم ده، سن سن ینده

اؤز بویاسی قیمتینی وئره جکسن.

سن گۆرورسن منی دوستوم.

یالنیز گۆره بیلدییین تک.

گۆرمک دئییل بوقدهری گۆره بیلیمک.

سنین گۆره بیلدییین دن او یانانی،

اۇ ياندان دا اۇ يانانی

گۆرمك چتین!

تۇرپاق آلتدا،

توم ایچینده اۇیانانی

گۆرمك چتین!

گۆزله گۆره بیلدییینه

اۆتەری باخ، اۆتەری باخ.

سن چۆلوده یاخشى گۆره بیلیمك اۆچون

ایچهری باخ، ایچهری باخ!

۱۹۷۵

قۇجالار

چنه ال اۆستونده، ال چۇماق اۆسته

قۇجالار ایلە شیر تین باش لاریندا.

سینه بایاتیلی، کۆنول شیکسته،

عۇمور وراقلا نیر یادداش لاریندا.

باشیدلار کوچ ائدیپ، جاوانلار ایشده

تك - تنها اۆتورماق سۇن علاج لاری.

حیاتین آمان سیز یالقیزلیغیندا

تۆتور اللریندن ال آعاج لاری

یوموب گۆزلیرنی دۆشونور اۇنلار

دۆرور گۆز اۇنونده اۆتن زامانلار.

يثرده چۇخور آچير چۇماغين اوجو،
سۇنونجو حدّينه ديرەنيب عۇمور.
دونبادان آلدیغی، دونيايا بۇرجو
نەايמים؟

دۇشونجه نين سۇنو گۇرونمور.

چۇماغين اوجونا ديكيب گۇزونو،
اۇنلار ساعات لارلا اۇتورار بئله.
فيكير بيرگمی گمی، بيلينمير يۇنو،
چيرپينير، چيخاممير آنجاق ساحيله

اۇنلار دۇشوندوكجه بۇشالار، دۇلار.
فيكرين نە سۇنو وار، نەدە اوولى.
دۇققازلار باشيندا بيزيم قۇجالار
دۇشونجه ھئيكلى، فيكير ھئيكلى!

اووللر دئيرديم، اۇنلار بوقدر
بئكارجا اۇتوروب دارىخمير مگر؟
کيتاب اۇخوياردیم دارىخماماق چون
اۇنلارين يثرينە اۇلسايدیم اگر.

بيرقالين کيتابميش هر عۇمور دئمه،
اۇخموماق ايسته سن، يۇم گۇزلىرىنى.
بئكار دئيلميشلر...

اۆرەكلریندە

اۇنلار اۇخویۇرموش اۆز-اۆزلىرىنى

آغداش، ۱۹۷۶



اۇ، اۆلدۈ، بیردن - بیرە

سۇندۈ حیات ایشیغی

گۆزۈندە کی گیلە دە...

قۇلۇندا کی ساعاتسا

ایشلە بیردی ھلە دە.

۱۹۷۴

گۆندەلیک

گۆندەلیک یازیرام گنجلیک دن بری

کیتابلار باغلائیپ عمل لریم دن.

تزدن دیریدیپ اۇلن گۆنلری،

واراقلار اۆستۈندە یاشادیرام من.

گۆندەلیک یازیرام!

گۆندەلیک نە دیر؟

اۇلن گۆنلریمین قبریستانلیغی!

بعضاً بیر عۆمۈردن بیزە عزیزدیر،

اۆزون بیر عۆمۈرون بیرجە آنلیغی.

اۋتۇنلر آجى دىر، اۋتۇنلر شىرىن.

گۆن كۈنچىر

ايز قالير وراق لار اۋستە.

آلىشىب ياندىغىم حصە لىرىمىن

كۆلۈدور قارالير وراق لار اۋستە.

گۆندە لىك - ياس لارىن، تۇي - دۋيونلرىن،

هەلە قۇلا غىمدا چىرىپىنان سسى.

سۆزلردە دىل آچىب دىنىر گۆنلرىن،

آجى ھۇنكورتوسو، شىرىن نغمەسى.

گۆندە لىك يازىرام...

خىيىرىم، شىرىم.

سۆزلرىن كىمى شاھ، كىمى اۋتانجاق.

ھىچ كسە دانىشا بىلمە دىكلرىم

اۋنون سىنە سىنە يازىلير آنجاق.

بىرچە عملىمە چكىمىرم خىنا،

سۆرمە گۆتۈرمە بىر گرچە بىن گۆزۈ،

يالان دانىشساقدى باشقالارىنا

آلداتماق چىتىن دىر اۋز - اۋزوموزو.

اۋلانى يازىرام اۋلدغو تىك من.

بوگۆنۈم، دۋنن دن

مگر بۇيوك مو؟

قلمیم آیریر منی اۆزومدن،
اۆخویور دوتنه اتهام حوكمو.

اۆتن گۆنلریمی وراقلا بیرام،

هر سطرین اۆستونده اۆرەك دۆیونموش.

بششینجی وراقدار شوېه لند بییم،
اۆنونجو وراقدا ایناما دۆنموش.

سۆنرادان آچیلیر شوېه لر، سیرلر،
صاندىق گۆنده لییم - ثروتیم، واریم.
عۇمرومون یۆللاری - آجی سطرلر،
اۆزومون اۆزومه ایستنهزالاریم!

بعضاً آرزولاریم تۇخونور داشا،
بعضاً گرچک اۆلور ایلک گۇمانلاریم.
یاتیر گۆنده لیک ده، یاتیر باش - باشا
آجی ساعاتلاریم، شیرین آنلاریم.

گۆنده لیک!

جالانیر بیر - بیر ایل - ایله

کامال زیروه سینه قالخان پیلله لر.

بعضاً صحيفەلر - اۆزگە ايله
اۆزۈمە چكىلن قىزىل سىللەلر.

گۆندەلىك يازىرام . عبرت گۆتۈرۈم .
اۆزۈمدن...

اينانىپ اۆلە جە يىمە
آياق اىزلىرىمى دئىيرم ، گۆرۈم
كئچمىشىم ، يۇن اۆلسون گلە جە يىمە.

عۆمۈر بىر يۆلدۈركى ، آپارىر بىزى.
نە يۇلا باخىرىق ، نە يۇلدا اىزە
ائەلە كى ، يازىرىق عملىمىزى،
آياق اىزلىرىمىز گۆرۈنۈر بىزە.

حيات دا عادىجە وطنداشام من.
حاكمە دۆنۈرم ماسا باشىندا.
بعضاً كىچىلىرىم خجالتىمدن
ماسا باشىندا كى سۆز ساواشىندا.

بعضاً دە يازدىغىم خوش عملىمدن
اۆزۈمدە بۇيۇب اۆجالىرام من.
دئىيرم ، ياخشىلىق عالمى سارسىن
اۆز - اۆزە دايانسىن خئىيرىم ، شرىم.

ائله ياشاييم كى ،

حسد آپارسين،

اۆلن گۆن لريمه قالان گۆن لريم .

منيم خالام

مینا خالاما

آنام اۆلدوسه ده اۆز طالعيمدن

كۆسمه ديم

يثرينده خالام وار منيم .

اؤنا گۆنيرم،

سانيرام كى ، من

آرخامدا آليتماز قالام وار منيم .

ائله كى داريخديم ،

مينيب ماشينا

گئديرم آغداشا، دۆز خالام گيله .

ياخشى دئييرلركى، هامى بيريانا،

آنانين عطيرى خالادان گلر .

بونئجه عطيردير ، بونئجه عطير،

رؤحوم ساكيت اۆلور، اۆره ييم آرام

اوعطرى دؤيدومسا اريبير ايللر،

ايلكيمه قايديب اوشاق اۆلورام .

بونئجه عطير دېر، اۇيانير منيم
كۈنلۈمدە ان شيرين، ان دادلى چاغلار؟
نييه گۈز اۋنۈمدە دايانير منيم
قالانان تندېرلر، يانان اۋجاقلار؟

بونئجه عطيردى،

ايلكىن دۇيغولار،

كۈهنە بېنەسېنە قايدېر يئنه؟

بونئجه عطيردى، اۋندا نە سېر وار
منى مندن آلب قاتارېر منە.

بونئجه عطيردېر، بونئجه عطير -

منى گېزلى - گېزلى نييه گۈينە دېر؟

بونە گۈينرتيدېر؟ دئە بېلمېرم،

نييه گۈينە يېرم، نييه، بېلمېرم؟

نييه بو گۈينرتى، نييه بو آغرى،

آلېر اۋز الېمدن اختيار يىمى؟

بو سېزى، هامىيا عزيز اۋلدو غوم

قايعىسىز گۈنلرېن اينتظار يىمى؟

توتماغ ايستە يېرم باخېش لارېنى

مین مطلب گیزلەنیر بیر قایغیسیندا.
اۋتن گۆنلریمین ناخیش لارینی
گۈرۈرم خالامین کالایغیسیندا.

- آی اۋغول ، ساجینی نە تئز آغارتدین ؟
دئیە ، ال لرینی چکیر باشیما.
دئییرم : - تئز نییە ، اللییە چاتدیم .
یۇخ ! اینانا بیلمیر خالام یاشیما

انامین دیلیلە اۋمنی اۋخشار،
نصیحت ایلە بیر هر گۈرۈشۈندە .
منیم ، اۋزوم بۇیدا اۋشاغلاریم وار،
خالام اۋشاق - دئییرمنە بوگون دە.
یۇخ! هئچ نە یایینماز اۋنون گۈزۈندن،
دردیمی اۋزومدن اۋخویور منیم.
خالاما گوۋوئیب سانیرام کی، من،
آرخامدا آلینماز قالام وار منیم.

اۋنئجه قالادیر؟

اۋلودان، اۋلو.

هانسی بیر قۋتی اۋزونده گیزلر؟
قایغیلا، شۋگیلە دۋلودور، دۋلو
اۋتیترک دۋداقلار، اۋ یاخشی گۈزلر.
اۋنئجه قالادیر؟ ضعیف بیر وجود!

اۋفۇرسن يىخىلار،
گۈجسوز بىر قارى.
قۇلۇما گۈچ گلىر، كۈنلۈمە اۋمود
چىيىنىمە قۇناندا ضعيف قۇل لارى.
اۋائلە قالاكى، باش ايمز يادا،
كۈنۈل چىچىك آچار حرارتىندىن.
دۇنيا شر قوۋەيە دۇنۇب آخسادا،
اۋتون قۇجاغىندا آماندايام من.

خالام اۋشاغ لارى، سىزە سۇزوم وار.
اينىدىن يانمايان سۇنرا برک يانار.
دۈزۈنو دئىيم كى، آنام ساغ ايكن،
قدرىنى اۋقدر بىلمە مىشم من.

آيىلتماغ اىسترم ايندى دن سىزى.
يامان نىگار انام خالامدان يانا.
اينىدىن ياندىرىن اۋرە يىنىزى،
قۇيمايىن اۋد تۇتۇب سۇنرادان يانا.

سىزدە اۋلارسىنىز ايكى قات يىتىم
ياخشى باشا دۇشون، ياخشى سىزمنى،
آناسىز قالدىغىم بسىمدىر منىم،
آمان دىر، قۇيمايىن خالاسىزمنى.

پيادا - سرنشین

باخدیق بیز همیشه قاباغا، اۇنه،
بۇیلاندى صاباحا بوگوندن ایل لر.
بیر نفر وار می کی، سۇیله سین منه،
نئجه گلیب کئچدی عۇمروندن ایل لر؟

یایین بۆرکوسونده، قیشین قاریندا،
هامینین قسمتی بیر اۆلمور یقین.
عۇمرون ایری - اویری دۇلایلاریندا
کیمی پیادادیر، کیمی سرنشین.

پیادا کئچمیشم من بویۇل لاری،
کۆمه یی اۆموشام آیاق لاریم دان.
قلیمین اۆدیلا شاختانی، قاری
اریتدیم، عۇمرومون ایلک چاغ لارین دان.

یانیمدان ماشین لار، قاتارلار اۆتوب،
منه ال ائدیبلر پنجره لر دن.
اۇنلارین باشیندان یاغیش، قار اۆتوب
گۆی لرین آلتیندا ایسلانمیشام من.

سرنشین یۇل گئتدی یۇلدان خبر سیز،
بیلمه دی بویۇلداکله - کۆتور وار.

آنجاۑ پیادانین، خبر- اترسیز
آلنیدا ایز آچدی گئندی یوللار.

یول اوزو آپاردی سرنشینلری،
یولدا نه ایز قالدی، نه ده تۇز اولدو.
آنجاۑ پیادالار گوردو دونیانی،
سرنشین دونیادان خبر سیز اولدو.
سورعتی نه قدر یثین اولسادا
سرنشین منزله دۇلما چاتدی.
داغلارین باشیندان آشدی پیادا،
یولو کسه گئندی، یولو قیسالتدی.
یولو اوزو آچان زیروہدن کئچر،
یولو یوللاگئدن داغدان گئن کئچر.

قووشور آی - آیا، دۇلور ایل ایله
مطلبی عینی دیر بو یاریشیندا.
قریبه دوٴنیا دیر،
سرنشین ایله
پیادا گۇروشور منزیل باشیندا.

عۇمور یوللاریندا راحت گئدنلر
زیروہلر باشینا اۇجالا بیلمز.
تکرلر اوستونده دیییرلنلر

چاتدیغی منزیل دە بند آلابیلمز.
بیری تکر اۆسته گتیریلدیسە،
بیرینی گتیرن آياق لار اۆلدو.
بیری بو منزیل دە کیره دار ایسە،
بیری بو منزیل دە صاحب کار اۆلدو.

اۆزگە حرارتی

یاشادی همیشه قۇلتوق لاردا او،
بدنی اۆزونون، اۆزو اۆزگەنین.
دیندی،
تکجه سسی اۆزونون اۆلدو،
مطلبی اۆزگە نین، سۆزو اۆزگەنین.

اۆزلره دیکیلدی گۆزو همیشه
اۆزونه اۆزلردن اۆز چکدی، دیندی.
اۆزونون آستاری کۆهنه لدیسە ده؟
هر ساعات اۆزونده اۆز تزه لندی.

تبسۆم پایلادی او هر طرفه
یورغانین آلتداسا من، منم - دئدی.
بیرجه آددیمینی هله بیر دفه
آغلینین امریله آتا بیلمه دی.

دۇردو يالتاقلىغى باشدا چتيرتك.

دوشمەدى اۆستونە ياغيش بير گيلە.

قۇلتوقدا ايسينن ترمومئترتك

قىزىندى اۆزگەنين حرارتيلە.

۱۹۷۵

حۇرمەت اۆچون

ايشيق اونسوزدا ايشقدير، اۆلودور.

اۆ - قارائلىق لارا خنجىر چكن آتش يۆلودور.

چيراغ، ائولردە تاوان دان آسيلير،

حۇرمەت اۆچون؟

اؤنا ھرکس گوۋونير، سجدە قيلير،

حۇرمەت اۆچون؟

فيضى حۇرمەت دن آشان خلقتە حۇرمەت

نە دئمک؟

ايشيق اونسوزدا ايشيق دير، اؤنا تعريف

نە گرگ؟

اؤنو باش اوجدان آسيلار تاوانا،

كى، بوتون دۋورەسى اوندان ئور آليب فايدالانا.

شكى، ۱۹۷۴

اییرمی بئش ایل

عۇمور یۇلداشیما.

ائله بیل دوئن دیر صابر باغیندا
چیخدین قاباغیما آغ چیچک کیمی.
ائله بیل دوئن دیر آغ پالتاریندا
قوندون ائویمیزه کینک کیمی.

نه تئز باشا گلدی اییرمی بئش ایل؟
بالالار یئتیشیر، قۇجالیریق بیز.
نه لری ایتیردیک - قایدان دئییل؟
گۆره سن نه ایمیش بس قازانجیمیز؟
سۇنمه میش کۇنلومون اۇدو، هوه سی،
بالالار سسلنیر: بسیندیر دایان!
اۇغلوموز تۇی اومور، بیزیم تۇی سسی
هله گئتمه میشکن قۇلاغیمیزدان

بونئجه دوئبادیر؟

یولو بیر قاریش،

آیبرا بیلیمیرسن چۇخونو آزادان...

حظیندن، دۇقوندن هله دۇیما میش

چکیرلر سوفره نی قاباغیمیزدان.

بونجه دوئيادير آتلاميرام من،
نه گليش بللى دير، نه گئديش بيزه.
خبريميز اولمور گليشيميزدن،
اينانا بيلميريك گئتمه ييميزدن.

ووردوق بير زيندانا ايبيرمى بئش ايل
اوتدوگون لريميز آغلى - قارالى.
سنين دويغولارين - بير نغمه لى گول،
منيم دويغولاريم مين ماجرالى...

سن نه دالغالاندين، نه چالخالاندين،
حالدان - حالا دوشدوم من هر دم، گولوم،
سن منى بير دفة سئويب داياندين،
من سنى هر رنگ ده سئويم، گولوم.

داش آتديم،

اليمدن چيخدى بير خطا.

بولانا - بولانا يئنه دؤرولدون.
كؤنلومدن كئچه نى دؤيمادينسادا،
عؤمرومه، گؤنومه هاودار اولدون.

دوشدو يوواميزا دوشدو قان - قادا،
باشيميز اوستونده ايلدريم چاخدى.

سسیمیز، نغمه میز بیر اولماسادا،
سۆیوموز، سئلیمیز بیر آرخدان آخدی.

آتا اوجاغینین قلمدن چیخان
چۆره یی منمسه، اۆره یی سنسن.
باشیندا چال - چارپاز ایلدیریم چاخان
ایستی یووامیزین دیره یی سنسن.

منیم خیال لاریم اۇچدو هاوادا
سن منی گۆیلردن یئندیرن اۇلدون
بیزیم قوردوغوموز ایستی یووادا
فهلە من اۇلدوم سا، اوستا سن اۇلدون.

ائله کی، بختیمین گۆزو یۇمولدو،
یۇلوما ئور ساچان چیل چیراق اۇلدون.
منیم نشئه لیریم اوزومون اۇلدو،
آنچاق درلیمه سن اۇرتاق اۇلدون.

باشیما دۇلاناتان دردی - سریمین
اودونو قلیبندن کئچیرن اۇلدون
سندن گیلئیلنن شعرلریمین
صاحیبی من اۇلدوم، قۇلوسن اۇلدون.

يانيب ياخيلاندا شعريم اوچون من،
سن ائله بيلدون كى، گيزلى غميم وار.
آيرىلا بيلمه دين اوز عالميندن
بيلمه دين منيم ده اوز عالميم وار.

گوگوم، آيناسيدير اوزوم، اوزونون،
منى الدن سالدی آختاريش لاريم.
اوزونه عكس ائتدی منيم گوڭ به گوڭ،
اوزوم ده آچيلان سرت فيريش لاريم.

فيكريم دره كئچدى، تپه لر آشدی،
آرديمجا بير آددیم گلمه دين آنجاق.
سن منى ديندیردين،

ديليم دانیشدی،
شعريمی ديندیره بيلمه دين آنجاق

اوتدويون ماهنينى بير يول چاشمادين.
من چاشديم...

دره دن بۇيلانديم داغا
اوز كۇنول ماهنينى سن چاليشمادين،
منيم اينيلتيمه اويوشدورماغا...

ائله بيل دوئن دير، صابر باغيندا

چىخدىن قاباغىما آغ چىچك كىمى.
اىلە بىل دۇن دیر، آغ پالتارىندا
قۇندون ائویمیزه كېنك كىمى.

آرادان نه كىچدى؟ ایییرمى بئش ایل ده
قارا ساجیمیزدا آغاردی ایل لر!
اۆزگه بۇداق لارىن ایكى یاد قۇشو
ایندی بیر بۇداقدا دۇغمالاشیب دیر.

بۇداغین عشقینه دارد، چتىن ده
نفسین كۇنلومه قۇل - قاناد وئرمیش.
زامان اۇتوشدو كچه
محببتینده
ایلك رنگى، ایلك دادى ده ییشیلرمیش.

دئمه قۇجالمىسان، گولوم، دۇغروسو
منیم چۇن بیر آزدا سۇنالا شمىسان
بالامین آناسى، نه سیریریدیر بو؟
ایندی منیم چۇن ده آنالا شمىسان.

يارى يۇخولو

يۇخودا يام...

اصلينده يارى يۇخولويام من.

بىر - بىرىنە دۇلاشان

قارشىق فيكىرلر

اۇدويلا دۇلويام من

ياتىم؟

يۇخسا اۇيانىم؟

بوفيكير آيريجيندا

دايانماق ايسته يىرم.

سنى

يۇخولاريمدا

گۆرمك اوچون

يۇخلاماق،

قهرىنى چككمك اوچون

اۇيانماق ايسته يىرم.

۱۹۷۴

موغام

اوز ئيىر حاجى به يلىنن خاطرە سینه

بلکه

بیر قۇش اۇتور بۇداغیندا
بو نغمه نین لایلا سینا
چمن، چاییر مورگوله ییر.
نالہ سیله یازیق بیزه
نسه دئییر،
نسه دئییر...

جیک - جیک، جیک - جیک
بیلیریک می دئدیینی؟
- یوخ، بیلیمیریک، بیز بیلیمیریک
قۇش دیلینی بیلیمیریکسه،
گوناهکار می او قۇشجوغاز؟
صبرینی باس،
لهجه سینہ، نالہ سینہ،
دیلینده کی غم سسینہ
قۇلاغینلا قۇلاق آسما،
اوره یینله سن قۇلاق آس.
او نالہ نین آتشینده
اوز قلبینی اۇدا یاخسان،
مطلبینی بیلمه سن ده،
اوره یینی دۇیا جاقسان
تاردا ائله...
او سیزلاییر ایچین - ایچین.

ایچینده دیر هر مطلبی،

ناله سیدیر اثشیتدییین.

اؤقۇش کیمی

تارین دا اؤز لهجهسی وار، اؤز دیلی وار.

مطلبیین آخیری وار، اولی وار.

اول اویرون سن بودیلین

نۇقتە سینی،

ویرگولونو.

آیرا بیل

داغ گولوندن

باغ گولونو.

اۇجاقداکى اۇد کولوندن

سینه ده کی داغ کولونو.

بو دۇنیانین آغریلاری، آجیلاری

نئجه سیغیر چاهاارگاهین

بسته نیگار پرده سینه؟

داغلارا چیخ، دقت ائله

قایالاردان یومالانان

داش سسینه،

اؤز سسینه

سس آختاران قۇش سسینه...

اؤسس ده کی

قیریق - قیریق هیجقیریق لار نه ناله دیر؟

قىرقوۋولون دۇشوندە كى رنگلر نە دىر؟

اۇ رنگلردە مۇغام داكى

الوان - الوان پردەلىرى،

پىرىل - پىرىل سىسلىرى گۇر.

اۇ دۇشونور.

هم دە يىزى دۇشوندورور.

ئى اۋستوندى يىلدى سىس،

اۋيوق - اۋيوق ئووالارى،

نە دىر ئىلە؟

بلكە ائلە

بالالارى پرک دۇشن

قارا تۇيوق ئووالارى؟

سىسلىرى، قىرىق بىر آرزونون جان سىسى مى؟

ئووالارى داغيدىلمىش

چۇلپالارىن نالەسى مى؟

قايلاردا سىزان سۇيۇن،

درەلردە آزان سۇيۇن

سىسلىرىنى

بىر - بىرىندىن آيىرا بىل.

اۋ، بىردىئىل، يۇخ، بىردىئىل.

آددىم - آددىم، نىس - نىس

داغى دۇلان، درەنى گز،

باخ هر يىترىن چىچە يىنە،

بیل داغلارین چیچه یی نه؟

دره لرین چیچه یی نه؟

چیچیک لرین اۆز رنگینده، اۆز عطرینده

نغمه ده کی سس لری گۆر حال لاری گۆر-

ائنیب قالخان کئچیدلری،

جیغیرلاری، یۆل لاری گۆر.

داغا گئدن جیغیرلاردا

قارشینا باخ، دونیانی گۆر.

سیغیرچینین بئلینده کی

آرشینا باخ، دونیانی گۆر.

بلکه اؤ دا بیزیم کیمی

اۆلچمک ایستر بودونیانی؟

بیرجه قاریش یئر اوستونده

بیزه گۆستر بو دونیانی...

سۆز وار، قلبه یۆل آچمایان

عادی بیر سس، قۇرو نفس.

سس ده وارکی،

سۆزون دئیّه بیلمه دییی سۆزو دئییر.

اٹله سسین اۆزو شعر، سۆزو شعر

سۆز - قلب ده کی بیر مطلبین

اۆز سسیدیر...

نغمه - سسین شعریتتی،

شعر - سۆزون نغمه سیدیر.

بلکه... مۇغام بىر ناغىل دىر، افسانە دىر.
بىلىك... اۋتون بودۇنبايا سۆزۈ نە دىر، قەصدى

نە دىر؟

ناغىل لاردا بىرگۇيرچىن

بىر غرىبى شاھ ائەلە دى.

بو دۇنيانين كلە - كۇتور ايشلرينى

رنەلدى...

اۋتن لرين دردلرينە دۇلا - دۇلا

ايناناق مى بو ناغىلا؟

بو آرزودور - بو دىلىك دىر

ائەل دۇيىركى، آرزو لاريم

گلە جىك دىر،

گوۋلە جىك دىر...

بلەكە دوزگون بۇلنمە دىك

بىز اۋ زامان

گۇيدن دوشن اوچ آلمانى

بىلىك، نىيە شوشە دە دىر

ديوين جانى؟

نىيە، نىيە گۇزلە يىب ائەل

اۋ صاحىبى - الزمانى؟

بلەكە مۇغام بىر گۇزلە يىش،

بىر حسرت دىر؟

ال وار ايكىن، قۇل وار ايكىن؟

باش وار ایکن، دیش وار ایکن،

بوگۆزلمه مصیبت دیر.

جاناوارین آلداتدیغی

شنگولومون، شونگولومون

قانی بلکه دوشوب تارین کۆک سسینه؟

مۇغام داکى هیجقیریق لار

عصیان ائدیر بلکه دیوین تیلیسمینه؟

اۆره یینین تئل لریندن

تئل لر چکیب تارا خالقین.

اؤ تئل لرین نغمه سینده

اؤز رۇحونو، اؤز قلبینی آرا خالقین.

تانیماق می ایسته بیرسن

گۆرمه دییین بیر خالقى سن؟

اوول اونون نغمه سینه سن قولاق آس،

اؤنو اویرن.

اؤز سۆزونو، سۇرغوسونو

خیالینی، دۇیغوسونو

خالق یاشادیر نغمه سینده.

تاریخین بیر دۇورو یاتیر

بیر بىم ده کی «آه» سسینده.

چاهاارگاهین مخالفی آت سالدیران،

قیلینج لاردان اؤد آلدیران

دۇیوش سسی...

چاھارگاھين جۇۋھرىسى

كۆل دىيىندە

قار آلتىندا

چىخان تىنھا بنۇشەننن اوشومەسى -

قىلىنج سسى، قالخان سسى،

بىرى ھۆنر

اۇ بىرىسى گۆز ياشىدىر.

اۇ سرت لىكلە بو اينجەلىك .

بىر مۇغام دا ياناشى دىر.

دىنلە تارى، دىنلە نەبى.

اۇ - كىچمىشدىن

آستا - آستا صۇحبىت آچان

سس موزىئى...

اۇ - شۇھرتلى، شانلى موزىئى.

اۇ - دانىشان

ھم دە بىزى دانىشدىران.

جانلى موزىئى.

گاھ سسىندە گۆى گۇرلايىر،

گاھ اينلەيىر حزين - حزين.

ھم بابا مین ياشىدى دىر،

ھم نۆھمىن.

شور

واراقلاما اۇ تارىخى
ايكى قلبين حسرتينى
واراقلاردا دۇيوندورن
بیر ماراقلى رۇمان كىمى
دينله شورو
اۈز قلبينى سنه آچان،
هر كلمه سى آلو ساچان
تارىخ ياشلى بابان كىمى،
گۈزو ياشلى آنان كىمى .
تۈستۈسونه آمان ائله،

اۋدونا يان.

دايان، دوشون،
دوشون، دايان.
دينله اۋنو.

هر گوشه سى

قۇش قۇنمايان قايلاردان داش ترپدر،
كيرپىكلرده ياش ترپدر.
ماهنى لار وار، آياق لارى
مۇغام لار سا باش ترپدر.
بودۇنيانين

آغريسىنى،
آجيسىنى

دۇيدون مو سن؟

دۇيما دىنسا،

بىر چىچىك دە درمىزسن

سن بو حكمت چىمىنىدن.

دايان، باسما آياغىنى

بو چىمىنە.

اۇ سىررىنى آچماز سىنە

اوول اوۋىرن، بو وطنە

ھاردان،

ھانسى كۆلك اسىب؟

قارا يىللار دىللىندىرن

بىر قارقى دان

كىم، نە زامان

نە دن اوۋىرو تۈتك كسىب؟

شۇر نە دئىير، نە دانىشىر نارىن - نارىن؟

اوۋىرن، نە واخت قايناغىنا داش آتېلىب

داغلار داكى بۇلاق لارىن؟

اوۋىرن نە واخت آپارىيدىر

سئل سارانى؟

كىم سالىب دىر دىلدن دىلە

بو دىشتلى ماجرانى؟

نىيە كسىدى سئل آرانى،

حسرت قۇيدو اوۋ طرفە

خان چۇبانى؟

اۋىرن نىيە خستە قاسىم

بىردن بىرە سايىرى دوشوب؟

كرم نىيە

اصلى سىندىن آيرى دوشوب؟

عدالتىن شىرتىنە

ايلك دفة كىم زهر قاتدى؟

كشىش ارى، حمزه لرى

كىم ياراتدى ،

نه ياراتدى؟

كۇراوغلونون نعرە سىنە،

حاق سسىنە

يىر گۇرلادى،

گۇى گۇرلادى.

دوئن اونون قاپسىندا بۇيون بۇكن

بوگون نئجه اوغرولادى

مرد كىشىنىن غىرتىنى؟

ننەم نىگار بلكه اۇندا

چاغىرىب ايلك باياتىنى؟

قۇبوستان دا رقص ائله ين

قايلارا، داش لارا باخ.

طبيعىتىن اوز اليه

چاربالانان چاپىق - چاپىق قاش لارا باخ.

جنگی سسی
 بیرلشدیریر گۆیو، یثری.
 بلکه ائله بوردان گلیر
 موغام لارین ایلک رنگ لری،
 تصنیف لری، ریتیم لری...
 جنگی سسی...
 گۆمبولدا بیر ناغارالار،
 آغیز آچیر ماغارالار،
 قان سیچراییر بئیین لر،
 قۇللار کئچیر جییین لر:
 «هؤیدی، هؤیدی، دلیریم
 یثرییین مئیدان اوستونه...
 هاواداکی شاهین کیمی
 تۆکولون آل قان اوستونه...»
 اوچا - اوچا داغ باشیندا
 یاز بیر یانا، قیش بیر یانا.
 تیتره شیر آغزیم ایچینده
 دیل بیر یانا، دیش بیر یانا.
 چکنده میصری قیلینجی
 لئش بیر یانا، باش بیر یانا.
 جنگی دئیر:
 - دو دشمن گلیر، کئچ ایره لی!
 یاللی گئدیر،

باياندۇرون، كۇراۋغلونون دىلىرى...

بۇردا اۇخو،

سىنەلرى نغمەلشن

ھەرقايانى

ھەرسال داشى

طبیعتین رۇخوندا دیر

بۇ اۇیارلىق، بىر نغمە لىك

طبیعتین اوزوچالیر. قاوال داشى

قایاداكى سرت لییه باخ

جنگى دەكى مردلییه باخ

ال لىر سۆزور اینجه - اینجه،

آياق لارسا یئیین - یئیین

یاللى دا بىر وحدتى دیر

اۇ سرت لىكله بو مردلییین...

جنگى سسى

بیرلشدیریر گۆیو، یئرى...

بلکه ائله بۇردان گلیر

مۇغاملارین ایلک رنگلری،

تصنیف لری، ریتم لری؟

بورنگ لردە، نغمە لردە

ساخلایب دیر مۇغام لاردا

صافلیغینی، اۆزلویونو،

قانادیندا غرۇر، وقار،

جۇۋھرىندە غەم دۇيۇنو...

اۋ دۇشۇنور، دۇشۇندورور.

گاھ ياندېرىر، گاھ سۇندورور.

ھال لارداكى، خيال لارلا، فېكىرلەر

يۇخ بۇشالمېر،

اۋرەك دۇلور.

بۇيوك غەمىن، بۇيوك دردىن

وقارىدا بۇيوك اۋلور.

ايدان آرى، سۇدان بىلە دۇروم منىم،

آي يانقىلى شۇروم منىم.

اىستەرەك كى، الوان - الوان چىچىك اۋلوب

دۇلاشدىغىن پردەلەر

من سېلىم.

اوجا داغلار باشىنداكى

"آذربايجان مارالى" نىن

گۈزۈندە كى "قاراگىلەم"

نەلرېن تۇخودوغو

خالىلارېن خاناسىندا خانالاندىم،

خىنالاندىم.

سئوگىلىلەر دۇداغىندا

يانىب سۇندون،

سۇنوب ياندىن:

«دریادا گمیم قالدی،
بیچمه دیم زمیم قالدی،
چۇخ چكدیم یارجفاسین
منه ده غمیم قالدی...»

نۇرروز اۇتوب، یاز باشیدیر.
بونه سس دیر؟
گۆیده تۇپا بۇلود لارین
بیر - بیرله گۆلوشمه سی
داغلار داکی قار اوستونه
خال دوشمه سی،

دره لرده سۇیا دۇنوب
گۆلشمه سی،
مارهال لاردا قار اۇچقونو
یازلا قیشین ساواشیدیر...
سئل لر، سۇلار آشیب - داشیر.
بیر - بیرله قۇجاقلاشیر.
قایا لارین قاباغیندا
اۇ اییلیر. اۇ بورولور.
تپه لرден سپهله نیر،
تۇز - تۇز اۇلور.

یایلاق لاری گزه - گزه،
ده بیر داشا، اثنیر دوژه

آغاچ لارين بۇداغينا

دۇيمەلىرى دۆزە - دۆزە...

داشیر، جۇشور،

يۇللار بويو نغمە قوشور:

قھرمانى قايلاردان شاققىلدايىب

قھرلەنیر

چمن لره نغمە سینی یازا - یازا،

گلیب چاتیر

آراز کۆرە - کۆر آراز:

ھر ایکیسی داغین قارى

داغین بارى

قۇوشاندا

آغ لپەلر رقص ائلەیر:

آراز باشى، آراز. آرى!

بودۇغولار فیشقیرتیسى،

تلاطۇملر، قايىنامالار،

سیغیشمغادی بیر یاتاغا،

بۇداغلاندى سۇلا، ساغا.

بیر فیصل دە نئچە کرە

دە ییشدیردى اۆز یۇنونو،

اۆز یۇلونو.

زامان کئچدی،

بیر مجرایا سیغیشدیریب

تانیتدیردی بو دونیا یا

بیزیم صنعت باهادیری - فیکر ائت اؤنو...



چۇخدان اُونودولموش، یئری قالمیش یارادیر شۇر،

بیردن یادا دوشموش بیر اؤتن ماجرادیر شۇر.

بیر عارفین حکمت دۆلو سۆز - صۇحبتى، عشقى،

حئیرتدن آغیل مولگونه بیر پنجره دیر شۇر.

فیکرین نه قدر یۇل لاری منزیل لری وارمیش،

اؤستونده جیغیرلار آچیلان بیر دره دیر شۇر.

داغلار باشی آغ، چۆل لری آل، دۆش لری الوان،

هر پرده سی بیر رنگ چالان منظره دیر شۇر.

قوربت ده وطن حسرتی، یوردوندا بیر آنلیق

یادداشتدا یانیب تئزده سۇنن خاطیره دیر شۇر.

چۇخ غرّه له نیر بختیار اؤز شعرینه هردن،

گویا دئییه جکمیش بیزه شعريله نه دیر شۇر!؟

تئل لر آغلا سین

شیکسته نین زیل گوشه سی -

عسگران دا وییلدایان گوळे سسی.

قارا خبر ائل - اوبانی دؤلانندی

عسگران دا قوچ نی نی ووردولار.

باخیش لاردا گوزیاش لاری سؤلانندی

آغی دئدی بوز باغلایان لال سؤلار.

بایاتیلار قارا گئیدی اینینه

قاراباغین چؤل لرینی قار آلدی.

عسگران دا داغیتدی لار آرابا.

گوروم بو دیاری قالسین خارابا.

نبی نین مئیددی قالدی آرادا

یثریسین اوستونه ائل لر آغلا سین

داراسین ساچینی، تئل لر آغلا سین *

(*) نبی حاقیندا یاخیلمیش بیر آغیتدان آلنمیشدیر

چاھارگاھ

شاھەقالخان آغ دالغالار

كۆپوك - كۆپوك...

اوجا - اوجا، بۆيوك - بۆيوك

قايالاراگاھ چیرپیلیر،

گاھ چکیلیر آخین - آخین...

تلاطم لر، هیجان لار

برداشتیدیر، اؤن سۆزودور

چاھارگاھین

دئییر: - حیات بیر دۆیوشدور،

بیر وۇروشدور باشدان باشا...

راحاتلیغی هیجان لار قۇجاغیندا

آرا، یاشا.

ائن ائیشه، قالخ یۇخوشا

سئل لركیمی جۇشا - جۇشا

سولارکیمی داشا - داشا...

یاشا - یاشا.

مایه سینده سسلر اۇچور

قاناڊ - قاناڊ،

نقل اؤلونور اؤتن گۆندن

بیر احوالات:

... یاد اۆلكه دن ائلچی گلیب

اۆلكه میزه.

- گرک تسليم اولاسينيز، -

دئير بيزە، -

اولماسانيز...

تيرينيز... وارسا اگر

ساوا شينيز.

آغ ساققاللار دوشوندولر:

نە دیر چارە؟

دادا چاتماز بومقامدا

نە مۇجيزە،

نە مۇذن .

نە مینارە

قارا يىللر قاباغيندا

فيکیرلردە ھاچالاندى

بۇ اۋنو،

اۋبۇنو داندى

- كئچميشيميز شانلى ايدى.

بس گلە جک

- فيکیرلشک.

بۇ بلادان قۇرتارماغا

بیر آغیللی تدبیر گرک،

صبر گرک.

مقامی وار هر ايسته يين،

تلسمه يين، تلسمه يين.

تاریخلرە اؤ، باش وۇرور

وۇروش - دئیە

آلۇولانان اۆرەكلری

اؤ تدبیرلە اؤووندورو.

بستە نیگار آمان چکیر،

آمانیندان، آمان، آمان!

شیکایت دیر

طالعین بو قضا سیندان.

دوۋشمن یامان آمان سیز دیر،

او قان سیز دیر.

- نئیلە مەلی؟

- دیشیمیزلە داش قیرمالی

- هانی بیزیم اؤگۈجوموز؟...

- اۇندا آتا بابالارین شرفینی

دوۋشمەنە می تاپشیرمالی؟

تأسوف مو؟

فیکیر قالخدی،

فیکیر ائندی.

- تأسوفون كۆلگە سیندە

هانسی دیلک چیچکلندی؟

بستە نیگار-

بستە بویلو نیگارلارین

دیلى ایله اینلر، اینلر

آغى دئير قيز - گلين لر:
 «دۇن تيكسن آغى بيزدن،
 بئلينين باغى بيزدن،
 قويمايين ياد ائللينى
 آلماغا باغى بيزدن...»
 ييغىلدیلار دۇنه - دۇنه
 "اۋتن گۆنه گۆن چاتارمى
 جالاساندا گۆنو گۆنه"
 بىرى قالخدى:
 - گۆنو گۆنه جالاماغين

نه فايداسى؟

اۋره كده اۋد قالامالى
 گۆنو اۋدا جالامالى.
 مين - مين فيكىر
 بيرجه بۇرجو اۋدهمه ميش.
 قالخان ايدى بئليميزى
 چۇخ قيسالتدى ديليمزى.
 قالخان آلتدا قالد ييغيميز

يئتر بيزيم.

دردلريميز قيلينج ايله

بيتر بيزيم.

"ده بيرمانين پريندن،
 سۇيو چيخار دريندن،

اڭلىن سۆزو بىر اۇلسا،

داغ اۇيىنلار يىرىندىن..."

"چن - دۇمان دۆزە ئىيلر

زولفون تۆك اۆزە ئىيلر؟

اۋو بىزىم، اوولاق بىزىم

ياد اۋوچو بىزە ئىيلر؟"

ايندى بىزە قىلىنچ گرک

نيزە گرک.

اۋد بىشىرك، دمير دۈيك

ايندى بىزە سئل لركىمى داشماق گرک

قلىبىمىزە كۆلگە سالان

قۇرخو آدلى حىصارلارى

آشماق گرک.

چاھار گاهىن "حىصارىندان،

ياد اڭلىلىن قباغىنا حىصار شكن

قالالاردا

كۆرەلرە اۋد قالاندى،

اۋجاق ياندى،

دمير بىشىدى

چكىچ آلتدا، زىندان اوۋستە

خمير كىمى كۆندەلندى،

جالالاندى

تاراق - تاراق،

تاق - تاراراق،
الدہ سیلاح
وۇراق - قیراق،
دمیر، اری،
قیلینجا دۇن،
دوشمن اۆسته دۇرما، یثری.
چکیج آلتدا قیغیلجیما دۇنوب آخدی
چاھارگاھین پردہ لری...
"مخالف" دە،
ھجوم، ھجوم!
ارەن لرین نعرە سینە
یثریتیرە دی، گۆی گۆرلادی
اۇجا داغلار دۇعا وئریب
ارەن لری اۇغورلادی
دوشمن قاچیر، بیزیم کی لر تعقیب ائدیر
"منصوریہ" غلبہ دیر، طنطنہ دیر:
"عزیزیم سۆزە قالدی
بیر شیرین سۆزە قالدی.
یاد قوۋولدو داغلاردان،
یۇرد یئنه بیزە قالدی..."



قلبی وۇلکان تک جوۋشان عصیان دیر، عصیان چاری گاه،
آچمیش ھر زنگوله سیندن فیکرہ مثیدان چاری گاه...

شاھە قالخان دالغالاردیر بیر مخالف گوشه سی،
دریالار لنگرلدن توفانندی، توفان چاری گاه...
گوشه لر گۆی گورلادیر، یثر تیتره دیر، سئل اوینادیر،
گۆنده ریر یاد ائلللیه ایمضالی فرمان چاری گاه.
سیم لرین میضراب ایله توققوشماسیندان اؤد چیخار،
یوغرولوبدور بلکه ده چاخماق داشیندان چاری گاه.
جووهرینده بیر حزین لیک، بیر خفیف لیک ساخلانیر،
آیریلیب دیر او یله بیل جان سیر داشیندان چاری گاه.
بختیارام، حئییرانام برداشتدا چیلغین سسرله،
ایسترم اؤد اولسون عصرین آتشیندن چاری گاه.

قالالار

آبشرونون قالالاری
داش لارداکی او اویمالار،
دالغاسی می قاتارداکی
حزین، شیرین
پرده لرین؟
بوړج لارداکی او عظمت،
تمکین، وقار،
بلکه... حیصار پرده سی دیر چاها رگاهین؟
سس دوژومو قالاداکی دیشلر کیمی
سیرا - سیرا، آخین - آخین.
یاد ائلینین هجومونا حیصار چکیر.
داشدا فیکیر، سسده فیکیر
بو یالاری عوض ائدن کؤلگه لرده
فیکیر، فیکیر...
رؤحوموزلا اویقار دادیر.
او باتیق لار.
قابارمالار
باتیق لارا کؤلگه سالار.
نه دوغمادیر، نه ایستی دیر،
چیخیش لارین باتیق لارا
دوژشن خفیف کؤلگه لری
تاغلار داکی

اويما، ناخیش لپه لری.

یاد ائللینین باشی اۆستده
یومروق کیمی دویوملنن بوقالالار.
دوشمن بیزه گۆچ گلنده
ائل - اوبایا سیغناق اولار.
بوقالالار آزادلیغی هله یانان،
تۆستولنن اوجاق لار مییش.
بوقالالار تاریخ بویو
نئچه - نئچه جبهه یار مییش
قیز قالاسی! آدینا باخ،
"باکیره دیر، قیز دیر قالام.
یاخین گلمه، من قوزغونام، من قارتالام.
بوقارتال لار یوواسیندا
قارا قوش لار مسکنینی سالا بیلیمیز.
قیز قالامین قیزلیغینی آلا بیلمز..."
"سن گلرسن، سن گۆره رسن -"
قالا سینین، آدیندا کی

معنایا باخ، مقصدی گۆر.

بابالارین مرامیندان
عبرت گۆتور.
دوشمنینه اؤ دئییرکی
اگر گلسن
یومرو غومون لذتینی سن گۆره رسن.
گلدییینه پشیمان اولوب

دابانینا تو پوره رسن.

نه لر دئییر داش لارد اکی

او باتیق لار، قابارمالار -

داش او استونده چیچک له نن

او یارمالار؟

کیم دئییرکی، بو قالالار،

یالنیز ائله قال لار او چون

قالدیریلان

بیر قالادیر.

خثیر، بُوردا مردلیک ایله

اینجه لیک لر قول - قولادیر

قوروجوموز، کشیکچیمیز

قالالارین سینه سینده

نه لر یاتیر، نه لر، نه لر؟!

بو قالالار - داش نغمه لر.

داش لارد اکی چالالارا آخار، دُولار،

داش او استونده ناخیش توتان،

اؤفیکیرلر، او دؤیغولار،

گوشه لرده قاققیلداشان

پرده لردن آشیب - داشان،

حدّت له نن سس آخینین...

باتیق لارین، چیخیق لارین

سینه سینده قالخیب ائنن

سس آخینی.

هَره بیر جوْره

معرفت قانا جاق اۆلچومدور موغام
من اؤنو اؤزومه محك سانمیشام.
اؤ محك داشیندا من انسان لاری
صاف - چۆرۆك ائدهرم، یۇخلارام موْدام
سن ده یانیرسان سا اگر بو آدا،
دۆستومسان...

گۆرورم اؤزومو سنده،
من اؤز همدیمی، دۆست لاریمیدا
تاپیرام موغامین پرده لرینده.
گۆرن نه دانیشیر، نه دئییر بیزه
سس لره بوْکولموش بوْگۆز یاش لاری؟
اؤد ساچیر،

داغ باسیر اۆره ییمیزه

ائله بیل کۆچ ائدیر دۇرنا قاتاری...
اؤ هارا تله سیر، اؤ نییه گئدیر؟
اؤ بیزیم چۆل لری نییه ترک ائدیر؟
تۆکولور یارپاق لار، سۆسور بۇلاق لار،
سۆیوقدان اۆشویور، اسیر بۇداق لار.
پاییزین سازاغی کسیر اۆت لاری،
گۆیده تۇپالانیر غم بۇلودلاری...
داغین دۇمانی می، سیسی می گۆرون،
دۇمانلی سس لرده بئله هۆنکورن؟

آغلاییر آشکار،

یانیر گیزیلجہ.

بارماغی آلتیندا تارزان گور نئجہ،

دوینلی سسلری قوورور، سیخیر.

سسلردن یاش سیزیر،

سودان اود چیخیر...

ای تاریم، ای نغمہم ای پیریم منیم،

سنہ نذیر دوشور... چوخ یوخسولام من.

نغمہم اولاییلر نذیریم منیم

اوداکی، سونوک دیر نغمہ لریندن...

اومجهول دیلینلہ، سیرلی سسینلہ

گیزلی بیر عالمدن خبر وئیرسن.

نولار، منیم کیمی سسینی دینلہ،

گورہک، بونا نئجہ تاب گتیریرسن؟

ای آتام هونرلی، بابام فیکیرلی،

ای ریحان نفسلی، یارپیز عطیرلی.

ماسال ننه لرین ای لای لای سسی،

اولو بابالارین کامال خزنهسی

شیرین آرزولاریم، خوش خیال لاریم،

ای مقدس پیریم، ای مودریک تاریم،

دانش، نغمہ اوخو،

سن حزین - حزین

آبیرلی، خیالی قیزلاریمیزین
اوتانجاق، دوزوملی سئوگیلریندن.
دانیش،

صوحتینه منتظرم من.

دانیش،

نەدن اوترو آیری سالدیلار

کره می اصلی دن؟

قیسی لیلی دن؟

نییه طالع لری داشا چالدیلار؟

سینه نه چکیلن بو داغلار نه دن؟

سنین خیال لارین، دوشونجه لرین

دریادان لنگرلی، سمادان درین

هر حالین تاریخی

یوز ایل، بئش یوز ایل.

گۆشه لر رنگ به رنگ:

یاشیل، آل، ساری

اورد اواراقلانیر،

بیر قلبین دئییل،

بیر خالقین مین ایللیک اضطراب لاری

بیر خالقین تاریخی -

تاریخین یولو.

ائیشی، یوخوشو، اضطراب دولو.

سس له نیر موغامین پرده لرینده

صۇحبىتى آشكاردا،

سىررى درىندە

زىلىندە، ئالە بىل اۆد قالانىب دىر،

يانقىنا دۆزمە يىب ھاوالانىب دىر.

بمىندە، يانقىنى كئچىرمك اوچون

فىكىرلر، خيال لار ئووالانىب دىر.

بىزكى، بويۇل لارى بىر باشا وۇردوق،

بىزكى، بىر واحىدىك بىر آرزو، كامدا.

ئالە بونون چون دە... تەك مەن مى؟

يۇخ، يۇخ.

ھەركەس اۆز قىلىنى تاپىر مۇغامدا.

مۇغام ھەرگوشەسى سىرلى - سۇراقلى

يۇلا بىزە بىر.

ياتاغا سىغمايان قۇللو - بۇدا قلى

سئەلە بىزە بىر.

اۋولجە يام ياشىل دوزدە دولاشىر،

بىردەن دە يىشىدىر كۆھنە يىرىنى

اۋاخىر، كۆكرە بىر،

اۋجۇشىر، داشىر

داغىدا - داغىدا ساحىل لرىنى.

جىلووا گلەسەيدى بئەلە بىر آخىن،

نۇتا سالاردىلار اۋنو نغمە تەك.

شەكلىنى چەكەك چون خىردالىق لارىن

اۆزگە بىر دونيادان بۇيالارگر.
تئز - تئز دە يىشىدىرير اۆز مچراسىنى،
اۆ يۇلا چىخمادان يۇلونو بىلمىر.
سفرە چىخاندا ماجراسىنىن
ايلكىنى بىلسەدە، سۇنونو بىلمىر.
بو يۇلو ھەر يۇلچو بىر جور قطع ائدىر،
بىمى دۆزنلىك دىر،
زىلى زىروە دىر.
بلى اۆ زىروە دىر.
اۆ زىروە لىكدە
آياغىن آلتىندان سانكى يثر قاچىر.
اۆ آياغ دە يىمە يىن ياشىل گدىكدە
ھەر يۇلچو اۆزونه اۆزو يۇل آچىر.

ھەر مۇغام چالانىن، مۇغام دئىەنن
كئچدىيى، آچدىغى ايز باشقا - باشقا.
عبنى مۇغنىنى ھەر دىنلە يىنن
كۆنلۈنو ياندىران كۆز، باشقا - باشقا.
مغرور قىز قلاسى...
اۆ كۆھنە باكى
منصور، زابل اۆستە اينلە دىر تارى
اۆ نە دىر؟

سۇلارىن قايلارداكى

حزین، آستا - آستا پیچیلتیلاری.
- نئجه دۇمانلی سان،

گورونمور گۆزه

پردہ ده، اورتوکده چیرپینان اوره ک.

گیزلی مطلبینی گورمک چون

بیزه

درینه ایشله یین تخیل گرک

هره بو او جاقدان بیر اؤد گۆتوره ر

توتار سسینده کی درین لیک لره

خیالین گۆزیله ائشیدر، گۆره ر

گیزلی مطلبینی هره بیر جوره.

بیلمیرم، یاشیل دیر، آل دیر سس لرین.

سسینه نه سۆزوم؟

لال دیر سس لرین.

مطلبی گیزل دیر، اینله بیر آنجاق

دانی شیر،

بیلمیریک نه دئییر آنجاق...

لال سسین نه بۆیوک قدرتی وارمیش.

سس ده سۆزدن بۆیوک حکمت اولارمیش.

موبهم دیر،

گیزلی دیر سۆزو نغمه نین

مین سۆزدن گۆجلو دیر، بیر حالین سنین.

ای تاریم

ای نغمەم،

ای پیریم منیم

سنە نذیر دولشور...

چۇخ يۇخسولام من،

نغمەم اولايیلر نذیریم منیم

اۇداکی سۆنوک دیر نغمەلریندن.

سۆزوم دە اولسایدی سسینین گۆجو،

اۇنوباشیم اولسته بایراق ائدردیم،

سسینله دونیانى من تریپدردیم.

یانیب شیریل - شیریل

آخیب شیر - شیر اؤ.

کیم دئیە بیلرکی، نه دانی شیر اؤ؟

اۇندا قۇجاق - قۇجاق سۆز چلنگی وار.

هەر سسین هر حالین نئجه رنگی وار.

هر کس، هر گوشه نی یوزار بیریره،

گلین بیر آنلیقا باخاق گۆی لره

بولودلار بورونور، بولودلار دۇنور

هره نین گۆزونه بیر جور گورونور.

یۇخ

همن، همن دیر، گۆی ده

بۇلوددا.

ھەرە اۋز قلىبىنى گۇرور بۇلوددا.

يۇخسا اينانمادين

اينانما، آنجاق،

آن با آن دە ييشن او بولۇدا باخ.

سن دە اۋز قلىبىن پىنجرە سىندن،

اينان گۇردويونە،

ائله دير البت،

منيم گۇردويومو گۇرمە سن دە سن،

من دە حقيقتەم، سن دە حقيقت.

سنگاه

ای زابول سنگاهیم، اورتا سنگاهیم،
منیم اوز آمانیم، منیم اوز آهیم.
سن منه کیمسه دن پای وئرلمه دین،
سن اوزگه چشمه دن گتیرلمه دین
منیم داغ لاریمدیر سنین قایناغین
قوشقارین،

کپه زین،

اؤلوشاه داغین

باغریندان سیزیلیب سن دؤرولموسان،
من ده یووالانیب منیم اؤلوموسان.
باشقارنگه سالیب بوزامان سنی،
یثنی دن یاراتدی صادقجان سنی.
منیم اوز دردیمن سن، اوز ملالیم سان.
آنامین سودوتک سن حالالیم سان.
چوبان بایاتیسى...

داغلارباشیندان

قارلارا قاریشیب قار-قار آخییدی.
چؤل لره بویلاتان گؤل باخیشیندان
کئچدی یول لارا ایز بۇراخییدی...

حزین بایاتیلار، چیچک لر کیمی

داغ لاردا كۆك آتدى، آرانا چاتدى.
شیرین باياتیلار، ديلك لر کیمی
بیرقلبدە بوئی آتیب مین قلبه یاتدی.

ننه مین ديلینده مین ایل ديلله نن
سنگاهیم، اوزون آل، اوزون جانیمی.
دیلقمین ديلینده ديل - ديل ديلله نن
آی تثللی سازلارین تثللی خانیمی.

ای ساری عاشیغین سئوگی داستانی
ای مؤللا جومانین ایسمی پنھانی
واقفین کؤنلونو قانا دؤنده رهن،
خۇمار - باخیش دان می سۆزولموسن سن؟

سنگاه - بیر آرزونون، بیر چیرپینتین
مین اوّره کدن گلن هیجقیریق لاری.
سؤنو اینیلتیلی،
آوولی چیلغین -
سینمیش بیر اوّره بین سس قیریق لاری...

غم دیر دؤلایلاری او آغلار سن سن.
آغریلار مایاسی
شیکایت سۆسۆ.

بیر ھیمە بند اۇلان بیر غریب کسین،
کۈنول ھیجقیرتیسى، ایچ ھۈنکورتوسو.
دانی شیر باشیندان اۇتوب کئچەنى.

بعضاً عصیان ائدیر.

بعضاً اینلە ییر.

گیزلی دردلرینە یاندیریر سنى،

مطلبى گاه آجیر،

گاه دوگومله ییر.

ایله سالدیغى کۈر دوگومونه

دیليلة یالواریر: تئز آچیل - دئییر.

اۇتن کئچمیشینی قۇیوب اۇنونه

باياتی چاغیریر، اونا دیل دئییر:

آراز گلدی، یان آخدی،

دییینده مین جان آخدی.

وطن ساری باخاندا

اورە ییمدن قان آخدی.

داغلارین سینەسى نه؟

گوڭ قالخیب سینە سینە.

عالمە سیغماز باشیم

سیغیب دیر سینە سینە.

عزیزیم گۆل اۆلدوم،
ياندیم آخیر گۆل اۆلدوم.
بیر دیل بیلمز قوش ایدیم،
اؤخودوم، بولبول اۆلدوم...

سئگه - ناله سینه آلیشان کۆنول،
آلوو تأسوف، کۆزو خاطیره
کئچمیشی یانقیلا دانیشان کۆنول،
قازانجی آغریلار، اؤزو خاطیره.

اؤ دئییر، دیل ایله آمانین، آخین:
- طالع بیر اۆره یه گۆر نئجه قییمیش...
منیم چکدیکلریم، هانسی گوناھین،
هانسی بد عملین اؤز باھاسییمیش؟
بو درده باغلادی منی کیم؟ - دئییر
بمینده، زیلینده اؤ «نئیلیم»؟ - دئییر.

دردمین یوکونه تاب گتیرمه دی
اییلیب قیریلان بوداغا نئیلیم؟
دره لر کئچمیشم، داغلار آشمیشام،
کۆنلومده کۆکلەنن بوداغا نئیلیم؟

من دانیشان زامان بیر کیمسه دینمز،

سسیم سۇ يانديریر سۆزو بیلینمز.
بۆيوك آرزولارا دوڭيا بیر قفس،
دیلیمه وۇرولان قاداغا نئیلیم؟

من اۆد حریصییم، اۆد منه همدم،
گوڭناه من ده دئیل، داشی اریتمس.
بوز توتار، یای گوڭو بولاغا گئتمس.
نئیلیم، بوزا نئیلیم، بولاغا نئیلیم؟

دانیشدی
گۆردوکی، دینله ینلرین
باشیندان اۆد چیخدی، گۆزلری دۆلدو.
دردیله، غمیله باشقالارینا
عذاب وئردییینه پشیمان اۆلدو.

دئدی: - بودا کئچر، آخی نئیلیمک؟
همیشه اۆلمازکی، یئر اۆزو گۆندوز
بئله یارانیب دیر، بو چرخى - فلک،
بیراۆزو گئجه دیر، بیر اۆزو گۆندوز.
ای منیم اۆره ییم، سن اۆز گۆزونله
گئجه نی گئجه گۆر، گۆندوزو گۆندوز.
اۆز اللرینله،

کۆنول لر شاد ائدن عمل لرینله

يۇلونا گۆل دۆز.



نە دئىير كۆنلومو اويماغلا، اويولماقلا سىڭاھ؟
گۆزە گۆز ياش لارى تىك بىر بىللە دۇلماقلا سىڭاھ؟

آنامىن اوز سوڭدوتىك سىن حالالىم سان، حالالىم،
نە دئىيرسىن، منى مىندن بىللە آلماقلا سىڭاھ.

بىزى دۇنيانىن اۇدار چىرچىوھ سىنىدىن چىخارىر،
دلى حاللارداكى ھۇنكورتويە دالماقلا سىڭاھ.

اۋنون ھەر پردەسى آھ، ھەر بىمى غم، ھەزىلى اۋد،
قلبە آتش چىلەيىر، ھۆكم ائلەيىر آغلا سىڭاھ.

بختيارىن دا كۆنول تىل لرى تىترەر بىللەجە،
دئىير آھستەجە ھىي: آغلا، سە گاه، آغلا، سىڭاھ.

راست

بۇخاری باشیندا ائل آغ ساققالی

ایله شیب

قلبینی آچیر سوفره تک.

دانی شیر، آن با آن ده بیشیر حالی

زۇغال چۇبوغونو تۇستوله ده رک.

سۇزلری بم سیم دن زیل سیمه دوشموش،

دانی شیر بیر عصرین اوز یاراسینی.

دانی شیر آراملا،

تیلیسمه دوشموش

بیر پری قیزی نین ماجرا سینی.

داغلاردا گۆنه یین مجنون دۆر سگاه،

راست - اؤنون آتاسی... نصیحت ایلر.

مجنون صحرالارا گتیریر پناه،

آتا بو سئودانی مذمت ایلر.

راست - مودریک بیر آغیل، درین دوشونجه،

دانی شیر تمکینله، آراملا تک - تک.

سه گاه - بیر ایسته یین، عشقین دالینجا

مله یه - مله یه قاچان بیر اوره ک.

راست - چیلغین قلب لره بیر آغ ساققالین

اؤبودو، دانلاغی، ارک ائتمه سیدیر.

بىر زامان بۇدرەين قلىبن، كامالين
آيىليب اۇزونو درد ائتمە سىدىر.

سئگاہ - نالە چکن، راست - تدبىرلىدىر،
وقارلى دۇزملو، اۇ صبىرلىدىر.
يۇز اۇلچور، بىر بىچىر،

دۇشونور درين،

محيط دنيزى تەك او لنگرلىدىر.

اۇنون لنگر وۇران ھەرگوشە سىندە

درين دۇشونجەلر دالدىلانىب دىر.

گىزلى فېكىرلەرنى سىخ مئشە سىندە.

آرزودان، اىستەك دن اۇد قالانىب دىر.

فېكىرلەر، فېكىرلەر...

بىر سىر داش اۇلموش

انسانا...

دردينە دۇلاندان برى.

راست - جاوان دئىيل دىر،

اۇ، ياشا دۇلموش،

مۇدرىك بىر اۆرەيىن دۇشونجەلرى:

حىيات نە؟

اۇلوم نە؟

عۇمور نە؟

يۇل نە؟

غفلت یو خوشونو داغیدان نه دیر؟

قیس دا یاغان قاری باہار گلینجہ

سئل لره دؤندریب آخیدان نه دیر؟

دوژده آياق آچير داغلارين قارى

هر واختين اوز قوشو، اوز بوداغلاری

يُوخودان قالديريپ أولو داغلاری

باھار ھاواسىنا اۇخودان نەدىر؟

چالیر اوږه ک لری گوز باخیشیلا،

بۇشالير كۈنول لر گۈز ياغيشلا.

يىثرلىرى، گۆيلىرى اۈز آخىشىلا

خالدان - حالا سالان بوزمان، نه دير؟

حۇكۈمىلە، قەدىلە نە دئىر زامان؟

اۋچورور بىر ياندان، قۇرور بىر ياندان .

گونشین باشینا دۇلانىر جاھان،

فیرلانیر، فیرلانیر فیرلادان نہ دیر؟

آی نہ، گون نہ دیر؟

ایلیک نه، سوُن نه دیر؟

ائیشی گوستریر بیزه داغ کیمی،

قارانی گوستریر بیزه آغ کیمی،

دۇنياتى اۆينادير اۆيونجاق كىمى،

قصدی بیلینمه ین بو اوئون نه دیر؟

آی نه، گون نه دیر؟

ایلک نه، سون نه دیر؟

بیر آغیلین حکمتلی نصحیت لریدیر راست.

تاریخ دانیشان کؤهنه روایت لریدیر راست.

آغیل دانیشیر، جانلی میثال لار چکیر هردن،

بیر طالعین عبرتلی حکایت لریدیر راست.

عشاق دا وئیریر سیرلی سوال لار بیزه رنگ - رنگ

عشقینده جواب سیز قالان حکمت لریدیر راست.

دلکش ده پیچیلدار بیزه دؤنیا قدریندن،

انسانین عدالتلی شیکایت لریدیر راست.

اؤز دردینی قیشقیرماز، او آهسته جه سؤیلر،

لاکین عذابین سون دمی، سرحدلری دیر راست.

دؤنیانی گؤزل گؤرمک اوچون قۇربانا حاضیر،

انسان لارین ایلک آرزوسو، نیت لریدیر راست.

ای بختیار، آه آتشی سوز رنگینه گیرمز،

هم دردلی گؤروب چاغی و هم دان یثردیر راست.

آمان اووچو

مارال ائندی سرچشمه یه
سرچشمه دن سؤ ایچمه یه
بیلمه دیکى ، بؤسقودا دیر
بره سینده آمان اووچو

يامان اووچو،
ظالم اووچو.

قابیر غاسی قالین اووچو.
قاچدی ، بیر آز آرالاندی .
شاراق - شاراق!
کۆره ییندن یارالاندی،

قاچا ممادی ... او دایاندی
گۆی چمنلیک قیزیل قاندان

اؤدا یاندی

دؤندو، باخدی یازیق - یازیق
ملول - ملول،

اووچو، سنین قۇلون سینا
نئجه قییدین بو داغلارین

مارالینا؟

گۆزلرده کی او چاره سیز یالواریشا
نئجه دؤزدون؟

آمان اووچو،

توفنگینی چییینینه سال،

بیر گئری دؤن،

بیر اؤرا باخ.

بو دهشته کۆل تیتره دی

گۆل اۆشدو.

باخیشداکی اؤ یالواریش

نغمه اۆلدو:

دیلہ دوۆشدو:

"آمان اؤوچو، وؤرما منی،

من بو داغین مارالییام.

یارالییام، یارالییام.

نغمه لرین ایستی سینہ

قیزیند یقجا دؤنورق بیز،

هئیکللہ شیر حئیر تیمیز

ياغ، ياغیش.

آغ یئل اسیر،

آغ بولودلار

تۇپا - تۇپا،

تئل - تئل اسیر،

آغ یئل اسیر.

پانیغلانان بولودلاری

كۇسا - كۇسا

آسا - آسا

آغ یئل، آغ - آغ گۆل بیتیریر،

ياغیشی دا آغ گتیریر.

گۆیده بولود دامار - دامار...

بو آغ ياغیش

دوز تورپاغین

ایلیگینه

دامار - دامار...

اوغول - اوشاق گۆله - گۆله

چیخار چۆله.

اۆز ایسلانار، گۆز ایسلانار.

اوغلان قاچار،

قیز ایسلانار.

"ياغ ياغیشیم، ياغ ياغارا.

داش آغارا، داغ آغارا.

آغ بۆلۈدۈن تۆی گۆنۈدۈر،
گېر ماغار،

ياغ ای ياغیش،
وۇر ناغارا..."

ياغیش ياغیر،
اۆرە یېنین يانقیسینا

داغین، داشین.

تۆت اۆجۈندۈن سن گۆیە چىخ،
بویاغیشین.

شېرىلدايیر ناوالچالار،
قۇپوب دوشور بوداغیندان

کال آلچالار.

آرخ لار داشار، سئل اۆینایار،
سئل لر ییخار بره لری،
دیللندیره

دیپ سیز "اۆزون دره" لری...

اۆزون دره

شوشتریمدن قۇپوب دوشدو،
سئل لر، سۇلار چاغیلدايان

اۆزون - اۆزون دره لر.

الوان - الوان هاوالاردان آلدیغیمیز
هاوالاردا

اۆز سۆزۈدۈر كۆنلۈمۈزۈن،

آرزوموزون، درەلرە...

گۆی تۇتولار.

بیر طرفی آچیق اۇلار.

آچیق یثردن گۆن چیرتلايار.

دئیەلرکی، ایندی گۆنش

بۇلودلارا اۆلدوگۆنو.

آچیب قیزیل ساچ لارینی

گۆنش یۆیۆر ال - اۆزونو...

بس بونە دیر؟ بس بونە دیر؟

بۇدا اۆزگە بیر نغمە دیر.

یاغیش کسیر...

غوغاسی دا بیتیر دئمک

گۆیون، یثرین.

گۆیون تمیز آیناسینا

عکسی دۆشور

چیچک لرین...

چیچیک آچیر ساغدان سۇلا

گۆیون تاغی

گۆی اۆزونە چتیر چکیر

گۆی قۇشاغی.

«فاطمائنه خانان قۇرور»

خاناداکى رگلرە باخ.

کیتاب کیمی او، اۇخونور

واراق - و اراق.

اؤ اوره بین گاه غصّه لی،
 گاه فرحلی حال لاری می؟
 اؤ مؤغامین الوان - الوان حال لاری می؟
 هر گوشه ده نهجه - نهجه
 رنگ چاغلاییر.

سس لر ائله انگین دیرکی،
 آچیب گئیش قول لارینی
 بو دونیانی قوجاقلاییر.
 افسانه وی ننه میزین
 اوره یینین تئل لریندن
 خاناسینا بند ائندیی سوس لره باخ.
 سس لرده کی رنگ لر باخ،
 رنگ لرده کی سس لره باخ.
 گاهدا اولور، یاغیش کسمیر،
 ائله یاغیر، یاغیر یئنه...

نه اکینه گئدن اولور، نه بیچینه.
 چییین لرده حیات یوکو داغدان آغیر،
 سپه لنیر سؤلا، ساغا،
 آمان وئرمیر گوز آچماغا.
 نقیله مه لی؟

- پاس آتیب دیر اوراق لار.
 زمیلرده دیش قیجادییر

آلاق لار.

ھرقايدان پای اوموب
قودو گزیر اوشاق لار:
قودو، قودو، دۇرسانا،
چۇمچەنى دۇلدورسانا...
اکین - بیچین عشقینه،
اۆرەك یانیر،
دیل یانیر.
بیزیم ماھنی لار یمیز
بعضاً بئله یارانییر.

سایاچی لار

دۆژده قیزیل بوړکویه
داغدا، بورانا دوشدوک.
یایدا داغا اوژ توتوب،
قیش دا آراناکوچدوک.

قیش دا دیه ائویمیز
یایدا آلاچیق اولدو
قلیمیز تک ائویمیز
هامییا آچیق اولدو.

دوشدوک قارا، سازاغا،
هم قول اولدوق، هم آغا.
قوندوق آزاد قوش کیمی
بیز بوڤداقدان - بوڤداغا.

سرحد تانیما دیق بیز،
آرخالان دیق داغلارا.
لپیریمیز یول آچدی
یاخینا، اوزاق لارا...

قویون - قوزو بسله دیک،
داغ بیزه سیرداش اولدو.

يايلاق لارين چيچه يى
بیزه ايین - باش اولدو.

"ننهم قۇيونون آغى
دۇلاندی گلدى، داغى.
چۇبانا چاریق باغى،
قیزلارا جئھیز آغى..."

ننهم، آدلى قۇيون،
دۇلانیب گلى قۇيون.
گلین لرگوزەمیندن
تۇخویور خالى قۇيون.

ننهم، آنازلى قۇيون،
قیر قوول گۇزلو قۇيون.
پئندیرى کسمه - کسمه،
قاتیغى اۇزلو قۇيون..."

داغلارداكى سۇلارین
سسی نغمه میز اۇلدو.
داغلارین سئل سۇیو تک
قلیمیز تمیز اۇلدو.

داغ لاردان آلدیغیمیز

نغمہ نی

قلبیمیزین

فریادینا چئوردیک.

آراندان کسدیییمیز

قارغی توتہ یه وئردیک.

بیز نغمہ یله اوْیانیب

نغمہ یله ده یاتاردیق،

بیز قوْیونو - قوْزونو

نغمہ لرله اوْتاردیق...

"ننہم آناریش قوْیون،

یوْنو بیر قارایش قوْیون.

چوْبان سن دن کوْسویبدو

سودو وئر، باریش قوْیون."

اوجا داغ لار شیش قایالار بوْیونجا

زیله چکر بایاتینی چوْبان لار.

بو سسده کی ملاحتی دوْیونجا

قوْیون - قوْزو اوْتا گلر، دیل آنلار.

کیچیک - کیچیک آرخیلاریم -

بایاتیلار، سایاچیلار، لایلالار

قایالاردان سیزیلار،
درەلرە های سالار،
کۆرە چاتار،
آرازیمآ جان آتار،
بیزیم مۇغام دریامیزی یارادار.
ستوینچ بیزی گۆلدوروسه،
غم آغلاردیر.
سۇزون اۆزونه آغلايیر،
نەدە گۆلور،
آمما بیزی هم گۆلدورور،
هم آغلادیر.
یۇخ، سۇز دئییل، سس دیر آخی
قەقەدە
هۇنکورتودە.
مین جوۆملەدن داها بۆیوک
مطلب یاتیر
بیرجە قیریق هۇنکورتودە.
کۆنول سسی، کۆنول دلر.
نغمەلرین آوولی دیر.
هۇنکورتولر، قەقەلر.
بلکە انسان
ستوینجینی، کدرینی

نغمەلرلە سۆیلەمزدی،

بىزىم كىمى ھۇنكور - ھۇنكور آغلاسايدى،
قاه - قاه چكىب گۆلسىدى سۆز.

يۇخ، نغمەلر يارانمازدى،
قلىبىمىزدن كئىچنلرى
تامام دئىيە بىلسىدى سۆز.
سۆزدن آوول سىس يارانير،
نغمەلردىر ايلك دىلمىز.
نغمەلردىر

سۆزوموزون، فىكرىمىزىن
ابتداسى،

نغمەلردىر

دىلىمىزىن الفباسى.

داش اوڭرە كلردە يانيب داش لارى سىندىردى مۇغام.
حاققا دوشمن اولانى حاققا تاپىندىردى مۇغام.

نە گۇمان ايلەمىسن اۇنداكى تىلىسىملىرى سن،
كۆرۈ آھىلا قۇروتدو، سالى ياندىرى مۇغام.

اۋنون ھەر گوشەسى بىر خاطىرە، بىر جانلى كىتاب،
كئىچىلن يۇل لارى ھەردن بىزە آندىرى مۇغام.

سۇ چىلر كىنلى اوڭرە كلردە غضب تۇتقالىنا،

نەچە قەدین اۇنونو كەسدى، دایاندیردی مۇغام.

اۇ، اورەك یانقیسی، گۆز یاش لاری، بیر چنگە بۇلود
اویادیب یادداشی، وجدانی اوتاندیردی مۇغام.

دفن ائدین سیز منی زابول سئگاهین مایه سینه،
دئییرم، بلکه منی بیرگون اویاندیردی مۇغام.

چوخ کیتاب لار اؤخودوم، ظنّ ائله دیم، بختیارام،
منه چوخ مطلبی آهسته جه قاندیردی مۇغام.

سۆزلۈك

-۱،۱-

آخين: ايتى جريان، گوجلۇ آخان سو

آدا: جزيره

آران: آذربايجاندا: يايلاق يئرلرە نيسبتن آلچاق و اقليم جە ايستى اۇلان يئرلر.

آريش: آراما، آختارما ايشى

آرشين: مئتر اۇلچو اوصولى تطبيقىدىن قاباغ ايشلدىلن اۈزونلوق اۇلچوسو (۷۱/۰ مئترە برابر دىر).

آرى: دۈرو، خالص

آغى: اۈلو اۈستۈندە آغيز آچىب آغلاماق، فرياد ائتمك.

آلاتورانلىق: آلاجاقارا، آلا قارانلىق

آھىل: ياشا دۇلموش، ياشلى

آيرىج: بىريۈلون بىر ئىچە طرفە ھاجالاندىغى يئر(عادتن «يۇل» سۆزو ايلە برابر ايشلەنير).

اثركن: سحر تئزدن، اثر تە.

ايقراف:(ادب). اثرينين باشيندا و يا اۈنون آيرى - آيرى فصيل لرينين باشيندا مۇالليف طرفىدىن وئريلن قيسا سىتات، ضرب - ى مثل، حيكمتلى سۆز.

احسن: آلقيش، بينمە.

ارك: صمميت، تكليف سىزلىك.

ارك ائتمك: دۇستجا سۇيلمك

ارن: قۇچاق، ايگيت.

اسكى: كئچميش، كۇھنە.

افسوس: يازىق

افلیج: فلج

انگین: گئیش، آچیق

اؤدمک: قاشیلیقلى یاردیم.

اورتاغ: بیرگه، برابر

اۆرکن: ایپ

اوزان: عاشیق

اۆزون دره: شوستر موغام یندان آلینما بیر اویون هاواسی

اوغور: سعادت، برکت.

اؤفورمک: پیله مک

اؤگونمک (اویونمک): فخر ائتمک

اؤووندورماق: آلداتماق، قصدن یاییندیرماق.

اویقار: اویغونلیق، بیر - بیرینه اویان

اویما: آلدانما

اویود: نصیحت

اویوشماق: اویغون اولماق

اویوق: قیریتتی، تیکه

اویوق - اویوق ائله مک: پارچا - پارچا ائله مک.

ایرلی: قاباق، اولکی.

ایسیندیرمک: ایستی لندیرمک، قیزدیرماق

ایسینمک: ایستی لئمک

ایلیج: ترمز.

ایلیک: سومویون مغزی

اینلمک: آغلاماق

ايين - باش: پالتاز.

- ب -

باھادير: قوچاق، ايگيت.

بشار: بزرگين ليک.

بردشى: چاھارگاہ موغام ينين بير بۇلومو.

برە: بند(چای دا، آرڭ دا)، بۇيوک چای لارين اوستونده قورولان متحرريك کۇرپو.

بستەنيگار: چاھارگاہ موغام ينين بير بۇلومو.

بوجاق: خلوت يئر، گيزلى يئر.

بودرمک: آياقلارى دۇلاشماق

بورج: قديم شهر حاسارينين اوزينده موشاهيدە و مودافيعە قوللە سى.

بورکو: بوغوجوھاوا

بولاما: آغوز، ساغمال حثيونانلار دوغدوقدا ممەلريندن چيخان ايلک سود

بۇيا: رنگ، کلک

- پ -

پامفلئت: ھر ھانسی بير شخص ياخود اجتماعى قورولوش، سياسى حادثە وس.

علثيهينه يازيلميش ايستھزالى پوبليسيستیک اثر.

پرک: قوشون يوواسيندان وازکچمەسى

پۇسقو: باشقالارينا معلوم اولمايان يترده دوشمن علثيهينه گيزلنمک.

پيش تاختا: ماغازادا دوکاندا ساتيجى ايله آليجى نى بير - بيريندن آييران، اوستونده

مال گۇستريلىن و بۇراخيلان، قاباق طرفى باغلى اوزون ميز.

- ت -

تاخیل: دە نین دن اون ویا یارما حاضیرلانیان بیتکی لرین (آرپا، بوغدا، چووداروس).
عووموی آدی.

تاس: ائئلی، دایاز مئثال قاب، تشت، لهین

تالان: قارەت، سۇيغون

تاوان: سقف

تیر: غئیرت، باجاریق

تحفه: سۇقات، بخشیش.

تربە: گور

تلاطم: توفان، جۇشما.

تمل: بونوره.

تن: اولچو، بۇی و س.

تۇپپوز: چۇماق، گورز.

توتک: نئی.

تۇتوشماق: چیرپیشماق

توخان، آلچی: عشق اۇیونوندا مقبول ساییلان دوروش شکیلی.

توم: تۇخوم، دن.

تۇمار: سیغال

تین: دیوار دیبلری، کنار.

- ج، چ -

جادار: چاتلاق.

جالاماق: بندائتمک.

جرگە: سىرا
جىمدىك: حىۋان اۋلسو، لىش
جۇجرىتمىك: گۇيرىتمىك.
جويورد: جىئىران بالاسى
جىدىر: آت چاپماق يارىشى آت چاپماق مۇئەددانى
جىرتدان: گودە بۇي.
جىغىر: ائىن سىزىۋىل
چار: روس پادشاھى
چارپاز: بىر - بىرىنى كىسىپ كىچىن، خاچ شىكلىندە؛ چاتاق
چارپالانماق: چالخالانماق، يارىق - يارىق اولماق
چاغداش: معاصر
چايىر: چىمن.
چىرچىۋە: حاشىيە.
چىكىچ: تۇخماق
چىلنىگ: گۈل و يابىتقى لردن دائىرە شىكلىندە ھۈرولموش زىنت، بىزىك.
چىنگە: بىر ال تۇتان قەدەر.
چۇخور: چالا
چۇلبا: تۇيۇغون كىچىگى
چىلغىن: دلى، ديوانە.
چىلمىك: داغىتماق
چىلىك - چىلىك: پارچا - پارچا.

حال: بۇرداكى معناسى يلا موسيقى ده پرده.

حجر: چاغداش آذربايجان مىلى قهرمانى قاچاق نبى نين حيات يولداشى. اينالى: توفنگ ينين آدى.

حدت: شيددت

حيصار: (۱) چاهارگاه موغام ينين بير بۇلومو، (۲) سد، بارى.

حيصه: قيسيم، واحيد

حظ: نشه، سئوينج حسى.

حمزه: نشه، سئوينج حسى.

حمزه: كۇراغلون آتى نى قاچيران «كل حمزه».

- د -

داروازا: آنا قاپى، آلا قاپى

دالماق: اته تۇخونوب گيجيتمك، يانديرماق.

دالماق: (۱) باتماق، (۲) اوزونو اُونوتماق درجه سينده بير شى له دريندن مشغول اۇلماق

دانماق: اينكار ائتمك.

داهى: خاريق العاده آغيل و ذكايما ماليك اۇلان شخص.

دلقم: ۱۹ ونجو عصرين خالق عاشيغى.

دلکش: راست موغام ينين ان مينور حيصه سى، مينور: سس لرى، كيچيك تئرسيا اساسيندا قۇرولموش آككورد عمله گتيرن موسيقى لادى (حوزن، كدر احوال - رۇحييه سى ايله سجييه لنير). (مازورعكس).

دم توتان: زويوچو

دن: تۇخوم

دۆزەك: تحمل ائتمەك.

دۇغاناق: حالقا.

دۇققاز: باغچا قاپىسى

دويون: تۇي، طنطنە، شىلىك.

دۇلانباچ: چىتىن، دۇلاشىق.

دۇلاي: ائىن سىز يۇل.

دۇيچ: دۇيمەك اوچون آلت ياخود چكىچ، گۆرز.

دۇينەك: قىبار.

دەشت: واهىمە، فاجىيە

دەينەك: (۱) بىر باشى تۇيپوز چوماق، ال آغاجى، (۲) گۆج.

دەيە: يىر آلتىندا قازىلمىش ائو.

دەيىرلەنمەك: دىيىرلانماق

- ز، ژ -

زارافات: ايلەنمەك، گولمەك اوچون دئىيلەن سۆز و يا ائىدىلەن حرەكەت

زەمى: تارلا، اكىن يىرى.

زىنگولە: چاھارگاھ موغام يىندا سىس يىن زىلى، سون زىروەيە قالخىش

زۇغ: كۆك

زىل: موسىقى آلت لىرىنىن ان يۇكسەك تۇنو (بە عكسى).

زىندان: (۱) اۆزەرىندە مۇئال دۇيمەك اوچون دەمىرچى آلتى، (۲) قارائىلىق و مودەيىش

دۇستاق خانە.

ژورنالىست: ژورنالىستىكا ايلە مشغول اولان پىشەكار ادبى ايشىچى،

ژورنال: كىتابچە شەكىلىندە نەشر ائىدىلەن دۇورى مەجموعە.

- س، ش، ص -

سارا: شاعیر نباتی نین سئله قاپیلیب بوغولان سئوگیلی سی، بونون لا ایلگیلی
اۇلاراق "آپاردی سئل لر سارا نی" آدلی آغیت یاخیلمیشدی.

سارسیتتی: دهشتلی، تیتره ییجی.

سال: بولتۇو یاستی داش پارچاسی.

ساری عاشیق، ملّاجوما، واقف: آذربایجانین تانیشمیش شاعیر و عاشیق لری.

ساوایی: باشقا، غئیری.

سایاچی: قۇیونلار حاققیندا ماهنی قۇشان و اۇخویان آدام.

سایری: خسته

سرت: برک، شیددتلی.

سرگی: جاماعاتا گۇستریلمک اوچون معین قایدادا قۇیولموش یا آسیلمیش شئی لر
و اۇنلارین نومایش ائتدیریلدی یئر.

سندیر لمک: سنده لمک، آفاق اوسته دورا بیلیمه ییب بیرغالانماق

سوزگج: الک

سۇس: زینت، بزک

سۇى: ائل، طایفا، قبیلە

سهو: خاطا، یالنیش .

سیخ: مؤحکم

سیس: دۇمان

سیغال: تیمار ائتمک.

سیناق: امتحان

سیوری: نازیک، تیز.

شاختا: چوخ سۇیوق

شلہ: آرخادا آپار یلا بیلہ جک قدەر
شوملاق: تۇرپاغین آلتینی اوستونہ گتیرمک
صادیقجان: تارین تۇتوش بیچیمینی دەیشدیرەرک، تئل و پردہ ساییسینی آرتیراراق
امکان لارینی گنیشلتیمیش چاغداش موسیقی اوستادی دیر.
سۇنا: گۇزل، گۇیچک

- ع -

عشاق: راست موغام ینین بیر بۇلومو
عقرب: ساعات، کومپاس
عیبجر: چیرکین

- ف، ق -

فرح: سئوینج .
قاچاق نبی: ۱۹ ونجو عصرین سۇن لاریندا روس امپراتورلوغونا قارشى عصیان ائدن
خالق قهرمانی.
قاداغا: قاداغان
قاداق: بیچاق، قایچی و...
قاققیلداشماق: قاه قاهالارلا گولوشمک.
قالانماق: اوست - اوسته ییغیلماق، تۇپلانماق.
قالخان: سیپر
قامچی: شاللاق
قایغی: ۱) بیرینین ریفاهی اوچون گۇستریلن دیققت یا فعالیت، ۲) درد، مؤحنت.
قفیل: گۇزله نیلمز، خبرسیز.

قنیم: دوشمن

قۇپوز: ساز

قۇدو: كۆكۈچۈخ اسكى لره دایانان بیر خالق اینانجینین گرەیی اۇلاراق ترتیبلنن و اوزون سۆرەلى ياغیشلارین دیندیریلمه سینی آرزولایان تۆرەنلرین، فیزیك اۆتەسى گۈجلری تمثیل ائندىگینه اینانیلان خاص گئیندیر یلمیش كۆكلا.

قوزئی: گونشین گۆرنمه ین طرفی، شمال.

قۇزغون: قارغا نۇولرىندىن ایرى و برک شیغیان بیرتیجى قۇش.

قۇشقار، كپەز، شاه داغ: آذربایجانین ان یۆكسك داغلارینین آدی.

قۇل: ایمضاء

قۇلبچه: كیچیک قول

قۇلدارلیق: كولهلیك دۇوری.

قۇزوق: ایچی هاوا ایله دۇلو قابارجیق، كۇپورجك

قیرقوول: رنگلی بیر اوو قۇشو.

قیغیلج: یانار یاخود قیزارمیش بیر شئی دن سیچرايان اۇد ذرەلری؛ چیرتدان.

- ك، گ -

كالاغایى: باش اۇرتوسو

كئچید: كئچەجك، كئچیلەجك یش.

كرال: پادشاه

كشقیات: دوشمنین یشرین و قوۋە سینی معین ائتمك اوچون عسگری قروپ طرفیندن آپاریلان عملیات.

كله كۆتور: ائیش - یۇخوش، گیرینتی - چیخینتی.

كورن آت: دۇرو آت، ساچی، تۆكو پاریلتی لی ساری - قیرمیزی رنگده اۇلان.

كۆكرەيىر: جۇشور، داشىر.

كۆكلنن: ايكى سەس يىن بىر بىرى ايله سس اويغونلوغو.

كۆل - كۆس: قانقال، كۆتۈ بىتكى.

كۆمپاس: قىيلەنما.

كۆھلن: ھار يىن بىلنمىش (آت ھاقىندا)

كىرە: كىرايە.

گىن: ائىلى، اۇزاق.

گىدىك: داغىن بىلى، آشىرىم

گىرمىك: گىرىلمىش ھالا گىتىرمىك، دارتماق

گۆزگۈ: آينا.

گۆزم: قۇيۇنۇن قۇز يۇنو.

گۆننى: جىنۇب

گۆنۈ: (۱) دۆشمىن، رقىب، (۲) بىرىنجى آروادىن اۆستۈنە آلىنغان ايكىنجى و يا

اوپونجو آرواد.

گۆۈنمىك: آرخالانماق، بىل باغلاماق.

گىدى: پىس، آچاق، ياراماز

- ل، م -

لپە: كىچىك دالغا

لپىر: آياق ايزى

للك: شيطان آغاچى

ماتىدىم - ماتىدىم: ھىيران

ماراق: بىر شىيە دىققەت وئەنمەك ھوسى، مئىلى، آرزوسو.

مارهال: قوزئی دره لرینده قار تۇپلانات یئر.

ماسا: میز.

ماسال: ناغیل، حیکایه.

ماغار: یاس، ماتم چادیری

ماغارا: زاغا، کاها

ماکینا: ماشین

ماگنیٹافون: تایپ

مخالف: کلاسیک آذربایجان موغام لاریندان بیرینین آدی.

مذمت: دانلاما، قیناما.

مشاطه: بۆک چی.

مصطفی پایان: ایران آذربایجانیندا خاننده.

معطل: حثیرت

مغزینی: ماهیت ینی

مفتیل: نازیک یا قالین ایپ شکیلنده اۇلان مثال معمولات.

منصوریه: چاهارگاه موغام ینی سۇن بۇلومو.

- ن، و -

نارین: سۇن درجه خیردا، تۇز کیمی

نانکۇر: یاخشى ليق بیلمه ین.

ناوالچا: یاغیش، قار سویونون آخماسی اوچون داملارین کنارینا قۇیولان بورو.

نمر: خالق عادتینجه تۇی دا، سۇنرا. نیشاندا پایلاتان شیرینی، پۇل و س.

نیسگیل: درد، اۆرەك دن چیخمايان آجی.

واحید: آذربایجان ین غزل شاعیری

واغزال: سرنشين لره خيدمت ائتمك اوچون دميريول
استانيسياسيندا خووصوصى بينا.
واھيمە: دھشتلى قورخو
وترگى: ايداره دن، اھالى دن و س - دن آكينان مجبورى دؤولت رؤسومو.

- ۵، ۵ -

ھاچا: آيريم.
ھاچالانماق: ايکى يە آيريلماق.
ھاندان - ھانا: نيسبتن چوخ موددت دن سونرا.
ھدە: قورخو گلە.
ھندەور: يان دورە، اطراف
ھيچقىرىق: سسى نى ايچينە آلب آغلارکن بوغازدان چيخان قيرىق - قيرىق سس لر؛
ھيچقىرتى.
ھيم: گوز اشارتى
ياللى: بيرجور آذربايجان خالق اويونو.
ياناشى: برابر، بيرآرادا.
يئتمک: مغلوب ائتمک، باسماق
يئيين: تئز، جلد، سورعتلى
يوخوش: گئتديکجه يوخارى قالخان يئر.
يوزان: اوز ايستەديگى کيمى معنا ائدن.
يوغرولوب: عملە گليب، يارانيب.
يولتتمک: ايستيقامت گؤستمک، ايستيقامت لنديرمک.
يۇمالانان: ديغيرلانان، دييبرلنن.

ظَنِّمَجە، اۇخويوجولارين چۇخو بو گوڭ اۋزوني،
اۋز دونياسيني، اۋز حيرص و هيجان لاريني، بختيارين
شعرلرينده بولا ييلير. چونكو اۋنون منظومه لرينده،
زامان ياشاير. بيزيم قايعي يوكوموزو داشيان،
دردسريميزه اۇرتاق اۋلان، قوينوندا ياشاد يغميز
زامان... و شعرلرين قدرتي ده ائله بوندا دير.



نشانی: تهران، میدان انقلاب، پاساژ فیروز، اندیشه نو،

تلفون: ۶۴۲۷۳۷۱